




# Вечная память

*Каноны, панихида  
и молитвы, чтимые  
о усопших*



*Господь Вседержитель*



# ВЕЧНАЯ ПАМЯТЬ

*Каноны, панихида и молитвы,  
чтомые о усопших*



«Ковчег»  
Москва  
2013



ББК 86.372

В 26

**Рекомендовано к публикации  
Издательским Советом  
Русской Православной Церкви**  
ИС 11-109-0887

**В 26      Вечная память. Каноны, панихида и  
молитвы, чтимые о усопших. — М.: «Ков-  
чег», 2013. — 128 с.**

**ISBN 5-98317-052-X**

Подписано в печать 01.12.12. Формат 70×100<sup>1</sup>/<sub>32</sub>.  
Печать офсетная. Бумага газетная. Объем 5 п. л. Усл. печ. л. 6,45.  
Гарнитура «NewtonС». Тираж 10 000 экз. Заказ 2329

**Издательство «Ковчег».**  
Москва, Савеловский проезд, д. 8

**Оптовая и розничная книжная торговля**

**Тел.: (495) 289-11-00**

**Санкт-Петербург: (812) 336-21-98**

**Книжный интернет-магазин  
издательства «Ковчег»:**

**izd-knigi.ru**

Отпечатано в ОАО «Первая Образцовая типография».

Филиал «Чеховский Печатный Двор».

142300, Московская область, г. Чехов, ул. Полиграфистов, д. 1

Сайт: [www.chpk.ru](http://www.chpk.ru). E-mail: [marketing@chpk.ru](mailto:marketing@chpk.ru)

факс: 8(496) 726-54-10, телефон: 8(495) 988-63-87





## СОДЕРЖАНИЕ

Канон о усопшем едином .....	4
<i>Лития о усопшем</i> .....	22
Канон о усопших многих .....	27
<i>Лития о усопших</i> .....	44
Канон преподобному Паисию Великому .....	48
Канон святому мученику Уáру .....	67
Панихида для чтения мирянами дома и на кладбище .....	80
Молитва о усопшем ко Пресвятой Богородице .....	123



## КАНОН О УСОПШЕМ ЕДИНОМ

Молитвами святых отец наших,  
Господи Иисусе Христе Боже наш,  
помилуй нас. Аминь.

Святы́й Боже, Святы́й Кре́пкий,  
Святы́й Безсме́ртный, помилуй нас.  
(Трижды)

Сла́ва Отцу́ и Сы́ну и Свято́му Ду́-  
ху, и ны́не и прѣсно и во ве́ки веко́в.  
Аминь.

Пресвята́я Тро́ице, поми́луй нас;  
Го́споди, очисти грехи́ на́ша; Влады́-  
ко, прости́ беззакония на́ша; Святы́й,  
посети и исцели́ немо́щи на́ша, име́-  
не Твоего́ ради.

Господи, помилуй. (*Трижды*) Слава, и ныне\*:

Отче наш, Иже еси на Небесѣх, да святѣтся ѡмя Твое, да приѣдет Цѣрство Твое, да будет воля Твоя, ѡко на Небесѣи и на землѣи. Хлеб наш насущный даждь нам днесь; и остави нам долги наша, ѡкоже и мы оставляем должникомъ нашим; и не введи нас во искушение, но избави нас от лукаваго.

Господи, помилуй (*12 раз*). Слава, и ныне:

Приидѣте, поклонѣмся Цѣреви нашему Богу.

Приидѣте, поклонѣмся и припадѣмъ Христу, Цѣреви нашему Богу.

Приидѣте, поклонѣмся и припадѣмъ Самому Христу, Цѣреви и Богу нашему.

---

\* Когда написано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».



## Псалом 90

Живѣй въ по́мощи Вы́шняго, въ  
кро́ве Бога Небѣснаго водворѣтся.  
Рече́тъ Го́сподеви: Засту́пник мой еси  
и Прибе́жище мое, Бог мой, и упо-  
ва́ю на Него́. Яко То́й изба́вит тя от  
се́ти ловчи, и от словесе́ мятѣжна,  
плещма́ Своѣма осенѣтъ тя, и под  
криле́ Его надѣеши́ся, ору́жием обы́-  
дет тя ѣстина Его. Не убойши́ся от  
стра́ха нощна́го, от стрелы́ летя́щия  
во дни, от ве́щи во тьме прехо́дящия,  
от сря́ща\* и бе́са полуденнаго. Падѣтъ  
от страны́ твоея́ ты́сяща, и тьма одес-  
ну́ю тебѣ́, къ тебѣ́ же не прибли́жится,  
оба́че очѣ́ма твоѣ́ма смóтриши и воз-  
да́ние грѣшников ѹ́зриши. Яко Ты,  
Господи, упова́ние мое; Вы́шняго по-  
ложѣ́лъ еси́ прибе́жище твое. Не при-  
ѣдетъ къ тебѣ́ зло, и ра́на не прибли́жит-  
ся телеси́ твоему, яко Ангелом Своимъ

---

\* Срящ — встреча; все, что случается не-  
ожиданно.

заповѣсть о тебѣ, сохранѣти тя во всех путѣх твоих. На руках вѣзмут тя, да не когда преткнѣши о камень нѡгу твою; на аспида и василѣска настѣпиши, и поперѣши льва и змѣя. Яко на Мя уповá, и избáвлю ѣ; покрѣю ѣ, яко познá ѣмя Мое. Воззовѣт ко Мнѣ, и услышу его, с ним есмь в скорби, измѣю его и прослáвлю его, долготѡю дней испѡлню его и явлѣю емѣ спасѣние Мое.

Слава, и ныне: Аллилуиа, аллилуиа, аллилуиа, слава Тебе, Боже. *(Трижды)* Господи, помилуй. *(Трижды)*

### Тропарь, глас 8-й

Глубинѡю мѣдрости человеколѡбно вся стрѡяй и полѣзное всем подавáяй, Едино Содѣтелю, упоко́й, Господи, дѹшу раба Твоего (рабы Твоея), на Тя бо уповáние возложѣ, Творцá и Зиждѣтеля и Бога нáшего.

Слава, и ныне: *Богородичен*: Тебе и

стѣну, и пристѣнище ѣмамы, и моли́твенницу благоприя́тну к Богу, Егѡже роди́ла еси, Богородице Безневе́стная, ве́рных спасение.

### Псалом 50

Помилуй мя, Боже, по вели́цей милости Твоей, и по множеству щедро́т Твоих очисти беззаконие мое. Наипа́че омы́й мя от беззакѡ́ния моего, и от грехá моего очисти мя. Яко беззаконие мое аз знаю, и грех мой предо мно́ю есть вы́ну\*. Тебе Единому согреши́х и лука́вое пред Тобою сотвори́х, я́ко да оправди́шися во словеса́х Твоих и победи́ши, внегда́ суди́ти Ти. Се бо, в беззакѡ́ниих зачатъ есмь, и во гресѣх роди́ мя ма́ти моя. Се бо, ѣстину возлюбилъ еси, безве́стная и тайная премудро́сти Твоея́ явилъ ми еси. Окропи́ши мя иссо́пом, и очи́щуся,

---

\* Вы́ну — всегда.



омы́еши мя, и па́че снѣга убелю́ся.  
Слѹху моему́ да́си радость и веселие,  
возра́дуются ко́сти смире́нныя. Отвра-  
ти́ лице Твое от грех моих, и вся безза-  
ко́ния моя очисти. Сердце чи́сто сози́-  
жди во мне, Боже, и дух прав обнови́  
во утробѣ моей. Не отвержи мене́ от  
лица Твоего́, и Духа Твоего Свята́го не  
отыми́ от мене́. Возда́ждь ми радость  
спасения Твоего́ и Ду́хом Влады́чним  
утверди́ мя. Научу́ беззаконныя путе́м  
Твоим, и нечестивии к Тебе обратят́ся.  
Избáви мя от крове́й, Боже, Боже спа-  
сения моего, возрадуется язы́к мой  
правде Твоей. Господи, устне́ мои от-  
ве́рзеши, и уста́ моя возвестя́т хвалу́  
Твою. Яко́ а́ще бы восхотѣл еси́ же́рт-  
вы, дал бых у́бо, всесоже́ния не бла-  
говолі́ши. Жертва Богу дух сокруше́н,  
сердце сокруше́нно и смире́нно Бог не  
уничжи́т. Ублажи́, Господи, благово-  
ле́нием Твоим Сио́на, и да сози́ждутся  
сте́ны Иерусали́мския. Тогда благово-

лиши жертву правды, возноше́ние и всесожега́емая, тогда возложáт на ол-  
та́рь Твой тельцы́.

## Канон, глас 8-й

### Песнь 1

*Ирмос:* Во́ду прошéд, яко сýшу, и егí-  
петскаго зла избежа́в, израильтянин вопи-  
яше: Изба́вителю и Богу нашему пойм.

*Припев:* Поко́й, Господи, ду́шу усо́пшаго  
раба Твоего́ (усо́пшия рабы Твоея́).

Отве́рз уста́ моя, Спа́се, слово ми  
пода́ждь моли́тися, Милосе́рде, о пре-  
ста́вленнем рабе Твоем (*имя рек*), да  
поко́иши душу его, Владыко.

Мертв быв плóтию, Спа́се, и во  
гробе положéн с мертвыми, душу  
раба Твоего поко́й в ме́сте зла́чне, яко  
Милосе́рд.

Слава: Моле́бный глас мой услы́-  
ши, Боже Триипоста́сне, и учини́  
душу престáвленнаго в не́драх Ав-  
раа́млих, Изба́вителю.

И ныне: Ты, Пречистая Богородице, Егóже без ѣскуса мýжеска зачѣнши родилá есѣ, моли Сына Твоего по́дати покой рабу Твоему престáвленному (*имя рек*).

### Песнь 3

*Ирмос:* Небѣснаго крýга Верхотвóрче, Господи, и Цѣркве Зиждителю, Ты менѣ утверди в любви Твоей, желáний кра́ю, вѣрных утвержде́ние, Еди́не Человеколю́бче.

В мѣсте злáчне, в мѣсте покóйне, идѣже ли́цы святыхъ веселя́тся, ду́шу раба Твоего престáвленного по́кой, Христе, Еди́не Мѣлостиве.

Идѣже ли́цы святыхъ, та́мо вчини́, Владыко, послужѣвшаго Тебе́ все́мъ сердцемъ и воздвѣгшаго ѣго́ Твое на ра́мо\* свое, яко Еди́н Владыка живото́а и смерти.

Слава: Небесный Отче Вседержите́лю, и Сы́не Единоро́дный, и Ду́ше Свя-

---

\* Ра́мо — плечо.



тѣй исходный, прѣзри умѣршаго согрѣшенія, и в Церкви пѣрвенец вселѣ его, слáвити Тя со всеми угóждшими Тебе.

И ныне: Яко Мати Святая Пресвятáго Бога, Владычице всяческих, Маріе Богородице, со всеми святыми Сего моли́ душу покóбити раба Твоего в Небесных селѣніих.

*Если канон читается в составе панихиды, по 3-й и 6-й песнях повторить ирмос, прочесть 40 раз «Господи, помилуй» и молитву «Помяни, Господи...» (стр. 24).*

### Седален, глас 5-й

Покóй, Спáсе наш, с праведными раба́ Твоего́, и сего́ вселѣ во дворы Твоя, я́коже есть пѣсано, презира́я, яко Благ, прегрѣшенія его вóльная и нево́льная, и вся я́же в вѣдении и не в вѣдении, Человеколюбче.

Слава, и ныне, *Богородичен*:

От Девы возсіявый миру, Христé Бóже, сыны свѣта Тою показáвый, помилуй нас.

## Песнь 4

*Ирмос:* Услышах, Господи, смотрения Твоего таинство, разумех дела Твоя и прославих Твое Божество.

Сошедый в преисподняя, Христэ, совоздвигл еси умершия вся, и преставльшагося от нас покой, Спасе, яко Щедр.

Никтоже без греха есть, токмо Ты Един, Владыко, сего ради преставленному и грехи остави, и в рай того всели.

Слава: Услыши, Троице Святая, гласы молебныя, приносимыя Тебе в церкви о усопшем, и богоначальным Твоим светом озари душу, омраченную суетными привержении.

И ныне: Родила еси, Пречистая, без мужеска семени, Бога совершенна и человека совершенна, вземлющаго грехи наша, Дево. Того моли, Госпоже, преставльшемуся рабу Твоему подати покой.

## Песнь 5

*Ирмос:* Просвети нас повелѣнии Твоими, Господи, и мышцею Твоею высокою Твой мир подаждь нам, Человеколюбче.

Имый животá и смерти власть, престáвленнаго от нас покой, Христе Боже, Ты бо еси всех, Спáсе, покой и живóт.

На Тя, Спáсе, надежду возложь, умерый оты́де от нас; Ты же, Господи, ущѣдри его, яко Бог Многомíлостив.

Слава: Просвети нас, Трисвяте, воспеáемый Владыко, молящихся Тебе, мир Небесный прияти, и в мíрных сѣлех душу вчини́, отшѣдшую от врѣменных в наде́жде безконѣчныя жизни.

И ныне: Шу́йяго стоя́ния, Пречíстая, избáвити престáвленнаго умоли́ Сына Твоего, Дѣво Госпожé, яко Спаса и Бога нашего Мати сущая.



## Песнь 6

*Ирмос:* Молитву пролию ко Господу, и Тому возвещу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Ада испроверг, Владыко, воскресил еси умершия от века; и ныне преставленнаго от нас, в недро Авраамле Ты, Боже, всели, прегрешения вся отпустив, яко Милосерд.

Заповедь, юже ми дал еси, Боже, преступих и смертен бых, но Ты, Боже, сошедый во гроб и души яже от века воскресивый, не возстави мене, Владыко, на мучение, но на покой, преставленный вопиет Тебе нами, многомилостиве.

Слава: Молим Тя, безначальне Отче и Сыне и Душе Святый, злобою душезлобнаго мира озлобленную\* и к

---

\* Озлоблять — причинять зло, угнетать.

Тебе, Зиждителю, прешедшую душу во адово дно не отрини, Боже Спасе мой.

И ныне: С Небесé Христос Бог наш, яко дождь на руно, Пречистая, снйде на Тя, напаяя весь мир и изсушая вся безбóжныя пото́ки, наводня́й всю землю рáзумом Своим, Присноде́во; Того моли да́ти покой преста́вленному рабу Твоему.

### Кондак, глас 8-й

Со святы́ми упоко́й, Христе, душу раба Твоего (рабы Твоея), иде́же несть болéзнь, ни печа́ль, ни воздыхáние, но жизнь безконéчная.

### Икос

Сам Еди́н еси Безсме́ртный, сотвори́вый и созда́вый человека, земни́и у́бо от земли́ созда́хомся и в зéмлю ту́южде по́йдем, я́коже повелéл еси, Созда́вый мя и рекíй ми: яко земля́ еси и

в зѣмлю оты́деши, а́може вси челове́-  
цы по́йдем, надгробное рыда́ние тво-  
ря́ще песнь: аллилу́иа, аллилуиа, ал-  
лилу́иа.

### Песнь 7

*Ирмо́с:* От Иудеи доше́дше о́троцы, в Ва-  
вилоне ино́гда, ве́рою Тро́ическою пла́мень  
пе́щный попра́ша, пою́ще: отце́в Боже, бла-  
гослове́н еси.

Владыко Христе Боже, егда́ хощеши  
судити́ ми́ру, пощади́ душу раба Тво-  
его, егѡ́же от нас при́ял еси, вопи́юща-  
го: оте́ц наших Боже, благослове́н еси.

В пи́щи ра́йстей, иде́же пра́ведных  
ду́ши веселя́тся, послужи́вших Тебе,  
причти́ с ними, Христе, душу раба  
Твоего, воспѣ́вшаго: оте́ц наших Бо-  
же, благослове́н еси.

Слава: Иуде́йския три о́троки спа-  
сы́й во огни́, в три́ех Ли́цах воспѣ́тый,  
изба́ви огня́ ве́чнаго усѡ́пшаго, воспѣ́в-  
шаго Ти ве́рно: оте́ц наших Боже, бла-  
гослове́н еси.

И ныне: Владыку Христа рождшая, всех Бога, власти темныя воздушнаго князя избави, Дево, душу преставльшагося в вере и воспевшаго: отец наших Боже, благословен еси.

### Песнь 8

*Ирмос:* Седмерицею пещь халдѣйский мучитель богочестивым неистовно разжѣ, сілою же лучшею спасены сѣя видев, Творцу и Избавителю вопіяше: ѡтроцы, благословіте, священницы, воспойте, людіе, превозносите во вся вѣки.

Скончав течѣние и к Тебе прибежѡх, Господи, преставленный вопіет ныне, прегрешѣнія остави, Христе Боже, и не осуди менѣ, егда хощеши судити всем, вѣрно бо Тебе взывах: вся дела Господня, Господа пойте и превозносите Его во веки.

Понѣсшаго, Владыко, ѡго Твое на раме своем, и бремя Твое легкое, аще и не всегда, обаче в мѣсте препо-



дóбных Твоих вселі душу его, вос-  
пéвшаго Тебе, Христе Спáсе: óтро-  
цы, благословíte, священницы, вос-  
пóйте, лю́дие, превозносите Его во  
веки.

Слава: Безначáльная Трóице Свя-  
тая, Боже Отче и Сы́не и Ду́ше Свя-  
тýй, в ли́це святýх причті душу пре-  
ста́вленнаго раба Твоего и огня вéчна-  
го избáви, да Тя хва́лит, воспевая во  
веки: óтроцы, благословíte, священ-  
ницы, воспойте, лю́дие, превозноси́-  
те Его во веки.

И ныне: Тя, Дево, прорóчестии ли́-  
цы прореко́ша, прозря́ще бо Тя про-  
зорли́выма очы́ма: ов úбо жезл нарече́  
Тя, ин же дверь востóчную, ов же го́-  
ру, челове́ки несекóмую. Мы же ис-  
повéдуем Тя войстинну Богородицу,  
Бога вся́ческих рóждшую, Егóже мо-  
ли́ упоко́ити престáвленнаго во вéки  
вся.

## Песнь 9

*Ирмос:* Ужасёся о сем Небо, и земли удивішася концы, яко Бог явіся человеком плѣтски, и чрево Твое бысть прострѣннейшее Небес. Тем Тя, Богородицу, Ангелов и человек чиноначалія величѣют.

Иисусе Боже мой, Спасе, Адамле Ты взял еси преступлѣние и смерти вкусил еси, да человеки от нея свободиши, Милосерде. Тѣмже молим Тя, Милостиве: преставленнаго покой, яко Благ, во двѣрех святых Твоих, яко Един Всеблагій и Милосердый.

Нестъ никтоже, Милосерде, иже не согреши в человецех, токмо Ты един, Иисусе Христе, взѣмляй грехи всего мира. Тѣмже, очисти раба Твоего от прегрешѣний, вчини во святых Твоих двѣрех, Ты бо живот еси и покой, и свет, и веселие всех, Тебе благоугодивших.

Слава: Удивися все естество человеческое, како Безначальнаго Отца

Сын сый Единорóдный, плоть от Девы дéйством Свята́го Духа при́ял еси, и пострада́л еси яко человек, да умéршия оживи́ши. Тем и преста́вленнаго ныне от нас, приле́жно молим Тя, во стране́ живых, яко Благ, всели́.

И ныне: Невесту Тя нарица́ем, Пречи́стая, Отца неvíдимаго, и Матерь Сына, из Тебе Духом Святым воплоще́ннаго, и моле́бницу Тя о усо́пшем рабе Твоем предлага́ем: Тебе бо помощницу́ ймамы, земни́и, и любвию пою́ще Тя велича́ем.

Досто́йно есть́ я́ко вой́стинну бла́жити Тя, Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херувím и сла́внейшую без сравне́ния Серафím, без истле́ния Бо́га Сло́ва ро́ждшую, су́щую Богоро́дицу, Тя велича́ем.

*Если канон читается в составе панихиды, вместо «Достойно...» повторяется ирмос 9-й песни.*

**Заупокойная лития  
для чтения мирянами\***

Трисвятое. Слава, и ныне: Пресвятая  
Трѳице... Господи, помилуй. (*Трижды*)  
Слава, и ныне: Отче наш... (*стр. 4—5*).

**Тропари, глас 4-й**

Со дѹхи прѳведных скончѳвшихся,  
душу раба Твоего (рабы Твоеѳ), Спѳ-  
се, упокоѳй, сохраняя ю во блаженней  
жизни, ѳже у Тебе, Человеколюбче.

В покоем Твоем, Господи, идеже  
все святѳи Твои упокоеваются, упо-  
коѳй и душу раба Твоего (рабы Твоеѳ),  
яко Еди́н еси Человеколюбец.

Слава: Ты еси Бог, соше́дый во  
ад и ѹзы оковѳнных разреши́вый,  
Сам и душу раба Твоего (рабы Твоеѳ)  
упокоѳй.

И ныне: Еди́на Чистая и Непоро́ч-

---

\* Здесь лития является завершением заупокойного канона, но ее можно читать отдельно и дома, и на кладбище.



ная Дево, Бога без сѣмене рóждшая, моли́ спастися душѣ его (ея́).

Господи, помилуй (40 раз).

Помяни́, Господи Боже наш, в вѣре и надѣжди живота вѣчнаго престáвляшагося раба Твоего (престáвляющуюся рабу Твою) (*имя рек*), и яко Благ и Человеколюбец, отпу́ща́я грехи́ и потребля́я неправды, осла́би, оста́ви и прости вся вóльная его (ея́) согрешѣния и невольная, избáви его (ю) вѣчныя мýки и огня ге́енскаго, и да́руй ему (ей) причáстие и наслаждѣние вечных Твоих благѣх, уготóванных любящим Тя: áще бо и согреши́, но не отступи́ от Тебе, и несумнѣнно во Отца и Сына и Святаго Духа, Бога Тя в Трóице слáвимаго, вѣрова, и Ед́иницу в Трóице и Трóицу во Ед́инстве правосла́вно да́же до послѣдняго своего издыхáния исповѣда. Тѣмже мѣлостив томú (той) б́уди, и веру, яже в Тя, вместо дел вмени́, и со святыми

Твоими, яко Щедр, упокой; несть бо человека, иже поживёт и не согрешит, но Ты Един еси кроме всякаго греха и правда Твоя правда во веки, и Ты еси Един Бог милости и щедрот, и человеколюбия, и Тебе славу возсылаем, Отцу и Сыну и Святому Духу, ныне и присно и во веки веков, аминь.

*Или:*

Помяни, Господи Боже наш, в вере и надежди живота вечнаго усопшаго раба Твоего (усопшую рабу Твою) (*имя рек*), и яко Благ и Человеколюбец, отпускай грехи, и потребляй неправды, ослаби, остави, и прости вся вольная его (ея) согрешения и невольная, возставляя его (ю) во святое Второе Пришествие Твое в причастие вечных Твоих благ, ихже ради в Тя Единого верова, Истинного Бога и Человеколюбца; яко Ты еси воскресение и живот, и покой рабу Твоему (рабе Твоей) (*имя*

*рек*), Христе Боже наш, и Тебе славу возсылаем, со Безначальным Твоим Отцем, и с Пресвятым Духом, ныне и присно и во веки веков, аминь.

Честнѣйшую Херувѣм и слѣвнейшую без сравнѣния Серафѣм, без истлѣнія Бога Сло́ва рѣждшую, сущую Богородицу, Тя величаем.

Слава, и ныне: Господи, помилуй.  
(Трижды)

Господи Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых помилуй и упокой душу раба Твоего (рабы Твоея) (*имя рек*) в безконечныя веки, яко Благ и Человеколюбец, аминь.

*Затем троекратно возглашаем:*

Рабу Божию (рабе Божией) (*имя рек*) усопшему (усопшей) вечная память.

*И читаем трижды тропарь с поклонами:*

Покой, Господи, душу усопшаго раба Твоего (усопшия рабы Твоея) *(имя рек)* *(поклон)*, и елико в житии сем яко человек согреши́, Ты же, яко Человеколюбец Бог, прости его (ю) и помилуй *(поклон)*, вечныя муки избави *(поклон)*, Небесному Царствию причастника (причастницу) учини *(поклон)*, и душам нашим полезная сотвори *(поклон)*.







## КАНОН О УСОПШИХ МНОГИХ

Молитвами святых отец наших,  
Господи Иисусе Христе Боже наш,  
помилуй нас. Аминь.

Святы́й Боже, Святы́й Крепкий,  
Святы́й Безсмертный, помилуй нас.  
(Трижды)

Слава Отцу и Сыну и Святому Духу,  
и ныне и присно и во веки веко́в.  
Аминь.

Пресвятáя Трѳице, помѳлуй нас;  
Гѳсподи, очѳсти грехѳ нáша; Владѳ-  
ко, прости́ беззакония нáша; Святы́й,  
посети и исцели́ нѳмощи нáша, ѳме-  
не Твоегѳ ради.

Господи, помилуй. (*Трижды*) Слава, и ныне\*:

Отче наш, Иже еси на Небесѣх, да святѣтся ѡмя Твое, да придет Цѣрствіе Твое, да будет воля Твоя, ѡко на небесѣи и на земли. Хлеб наш насущный даждь нам днесь; и остави нам долги наша, ѡкоже и мы оставляем должникомъ нашим; и не введи нас во искушеніе, но избави нас от лукаваго.

Господи, помилуй (*12 раз*). Слава, и ныне:

Приидіте, поклонѣмся Царѣви нашему Богу.

Приидіте, поклонѣмся и припадѣм Христу, Царѣви нашему Богу.

Приидіте, поклонѣмся и припадѣм Самому Христу, Царѣви и Богу нашему.

---

\* Когда написано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».

## Псалом 90

Живѣй въ по́мощи Вы́шняго, въ крѣ-  
ве Бога Небѣснаго водворѣтся. Рече́тъ  
Господеви: Застѣпникъ мой еси и При-  
бѣжище мое, Богъ мой, и упова́ю на  
Него́. Яко Той изба́витъ тя от сѣти лѣв-  
чи, и от словесѣ мяте́жна, плещма́  
Своѣма осенѣтъ тя, и под крилѣ Его на-  
дѣешися, ору́жиемъ обы́детъ тя ѣстина  
Его. Не убоѣишися от страха́ но́щнаго,  
от стрѣлы лѣтящія въ дни, от вѣщи во  
тьмѣ прехо́дящія, от сръ́ща и бѣса по-  
луденнаго. Падѣтъ от страны́ твоея́ ты́-  
сяща, и тьма\* одесну́ю тебѣ́, къ тебѣ́ же  
не прибли́жится, оба́че очѣ́ма твоѣ́ма  
смѣ́триши и возда́ние грѣ́шниковъ  
у́зриши. Яко Ты, Господи, упова́ние  
мое; Вы́шняго положи́л еси́ прибе́жи-  
ще твое. Не придетъ къ тебѣ́ зло, и рана́  
не прибли́жится телеси́ твоему́, яко  
Ангеломъ Своимъ заповѣсть о тебѣ́, со-

---

\* Тьма — 10 000; безчисленное множество.

хранѣти тя во всех путѣх твоих. На руках вѣзмут тя, да не когда преткнѣши о камень ногу твою; на аспида и василиска настѣпиши, и поперѣши льва и змѣя. Яко на Мя уповѣ, и избавлю ѣ; покрѣю ѣ, яко позна ѣмя Мое. Воззовѣт ко Мнѣ, и услышу его, с ним есмь въ скорби, измѣю его и прославлю его, долготѣю дней исполню его и явлю ему спасѣние Мое.

Слава, и ныне: Аллилуиа, аллилуиа, аллилуиа, слава Тебе, Боже. *(Трижды)* Господи, помилуй. *(Трижды)*

### Тропарь, глас 8-й

Глубиною мудрости человеколюбно вся строяй и полезное всем подаваяй, Едине Содетелю, упокой, Господи, души раб Твоих, на Тя бо упование возложиша, Творца и Зиждителя и Бога нашего.

Слава, и ныне, *Богородичен*: Тебе и стѣну, и пристанище ѣмамы, и молит-



венницу благоприятну к Богу, Егѡже  
родилá еси, Богородице Безневѣстная,  
вѣрных спасение.

### Псалом 50

Помилуй мя, Боже, по велицей милости Твоей, и по множеству щедрѡт Твоих очисти беззаконие мое. Наипаче омый мя от беззаконія моего, и от грехá моего очисти мя. Яко беззаконие мое аз знаю, и грех мой предо мною есть вѣну. Тебе Единому согрѣших и лукавое пред Тобою сотворих, яко да оправдишися во словесѣх Твоих и победиши, внегда судити Ти. Се бо, в беззаконіих зачат есмь, и во гресѣх роди мя мати моя. Се бо, истину возлюбил еси, безвѣстная и тайная премудрости Твоея явил ми еси. Окропиши мя иссопом, и очищуся, омыеши мя, и паче снѣга убелюся. Слуху моему даши радость и веселие, возрадуются кости смиренныя. Отврати

лице Твое от грех моих, и вся беззаконія моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устны мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая, тогда возложат на олтарь Твой тельцы.

## Канон, глас 1-й

## Песнь 1

*Ирмос:* Твоя победительная десница богоролѣпно в крѣпости прославися: та бо, Безсмертне, яко всемогущая противныя сотре, израильтяном путь глубины новосодѣлавшая.

*Припев:* Дивен Бог во святых Своих, Бог Израилев.

Врата смерти и верей, Твоею смертию сокрушил еси, Безсмертне, врата отверзи, Владыко, паче ума безсмертия успшим, молитвами страстотерпец Твоих.

*Припев:* Упокой, Господи, души усопших раб Твоих.

Да Божественнаго живота сподобимся, сошел еси к смерти, тоя же испроверг сокровища, нас оттуда извел еси; ныне же, Жизнодавче, преставленные упокой.

Слава: Ты мое тленное же и мерт-

венное восприйм, в нетлѣние облѣкл есѣ, и к безконѣчному житію и блаженному вознѣсл есѣ, идѣже яко щедр, ѡхже приѣл есѣ, упокоѣ.

И ныне: Рѡждшую еже от Бога Божіе Слово, вернии воспойм: Та бо Всечистая путь жѣзни умѣршим бысть, Юже яко Богоприѣмницу и Богородицу прославим.

### Песнь 3

*Ирмос:* Едино вѣдый челоуѣческаго существа немощь, и милостивно в не воображся, препояши мя с высоты силою, еже вопіти Тебѣ святыи: одушевлѣнный храмѣ неизречѣнныя славы Твоея, Челоуеколюбче.

Яко Един Благ сый, яко Един Многомилостив, ѡже благочѣстно к Тебѣ отшѣдшия, в Небесных селѣниих упокоѣ, идѣже неизречѣнная радость и наслаждѣние, и идѣже собѡр мученический веселѣтся.

Ты Един явился есѣ на землі, Спасе мой, безгрѣшен, Иже грехѣ мира



взѣмляй яко Милосерд; от мира сего преставльшихся вѣроу, дѹши упокоѣй во двѣрех святѣх Твоѣх, в сладости райстей, Человеколюбче.

Слава: Смѣрти державу низложь, живѣт некончаемый всем верным источник еси, Владыко; в том убо учини благочестно отшедшия, презирая безмерная прегрешѣния, и прощаая грехи их, Человеколюбче.

И ныне: Без семене зачат Чистая Слово присносущное, плѣтски к нам пришедшее, и смѣрти крѣпость разорившее, и мѣртвым воскресение и жизнь вѣчную Своим милосердием дарующее.

### Седален, глас 6-й

Войстинну суета всяческая, житіе же сень и соніе, ꙗко все мѣтѣтся всяк земнорѣдный, ꙗкоже рече Писание; егда мир приобретаем, тогда во гроб вселимся, идеже вкупѣ цѣрие и нѣ-

щини. Темже, Христе Боже, преставль-  
шийся упокой, яко Человеколюбец.

Слава, и ныне, *Богородичен*:

Всесвятая Богородице, во время  
живота моего не остави мене, челове-  
ческому предстательству не ввери мя,  
но Самая заступи и помилуй мя.

#### Песнь 4

*Ирмос*: Гору ты благодатию Божиею при-  
осененную, прозорливыма Аввакум усмот-  
рив очима, из тебе изыти Израилеву провоз-  
глашалше Святому, во спасение наше и  
обновление.

Умертвив ад непобедимою Твоею  
силою, вменен был еси в мертвых,  
Един сый свободь, Христэ, души сво-  
боди благочестивых, и еже в нем осуж-  
дения, святых мученик мольбами.

Иже всех сый яко Владыка, про-  
тиводостойную иже от Адама, Твоего  
заколения, избаву дал еси и цену;  
темже молимся Твоим щедротам, пре-

ста́вльшиися упоко́й, согреше́ний по-  
да́я оставле́ние.

Слава: Прия́л еси́, Спасе мой, еже  
во гробе́ положёние; и я́же во гробёх  
жи́ти осужде́нныя мертвецы́, я́ко Бог,  
воскреси́л еси. Ны́не же жи́зни при-  
сносу́щныя сподо́би предста́вленныя,  
я́ко Еди́н Человеколюбец.

И ны́не: Спасе́ся род челове́ческий  
Рождество́м Твои́м: Ты бо роди́ла еси́  
нам Ипостáсный Живо́т, сме́рти по-  
требле́ние и к жи́зни соде́ловающий  
восхо́д, Богороди́тельнице Пренепоро́-  
чная Владычице.

### Песнь 5

*Ирмос:* Просвети́вый сия́нием прише́ствия  
Твоего́, Христе́, и освети́вый Кресто́м Твои́м  
мира концы́, сердца́ просвети́ све́том Твоего́  
богоразу́мня, правосла́вно пою́щих Тя.

Исцеля́й от ада сме́ртнаго, смерть  
прия́т, и сме́рти жа́ло притупи́л еси́;  
но Сам упоко́й, ихже прия́л еси́, Жиз-  
нода́вче, мученик мольба́ми.

Умерщвлѣнія и тлѣнія человеки свободѣвый, дѹши вѣрно преставленных учини во двѣрех святѣх Твоих, отнюдуже отбежѣ всяка скорбь, и весѣлие водворяется.

Слава: Рай убо с Тобѡю повѣшенному яко, отвѣрзл еси, ныне приими дѹши, Владыко, к Тебе вѣрою преставльшиися, подаѣ им в Церкви первенец водворѣтися.

И ныне: Избавляючи на Тя надежды державу имѹщих, к пристанищу Божественныя воли тихо настави, Матерним Твоим дерзновением к Сыну Твоему, Благословенная Всенепорочная.

### Песнь 6

*Ирмос:* Обыде нас послѣдняя бѣздна, нѣсть избавляѣя, вменѣхомся яко овцы заколѣнія, спаси люди Твоѣ, Боже наш: Ты бо Крепость немощствѹющих и Исправлѣние.

Яко Милосерд, преставленным даруй прегрешѣний прощѣние, и вѣчное



наслаждѣние подаѣ, идѣже сияет  
лицѣ Твоего свѣтлость, и озарѣет стра-  
стотѣрпцы Твоя.

Иже крѡвию, от ребр Твоих истѣк-  
шею, мир искупил еси, вѣрою усѡп-  
шия убо, Христѣ, избѣви честными  
Страстми Твоими, Ты бо цѣну за всех  
Себѣ дал еси.

Иже создавый мя рукама пречис-  
тыма пѣрвее и дух даровавый, и к зем-  
ли низпѡдша зле, паки обновивый  
краснѣйше, ныне дѹши престѡвль-  
шихся Сам упокой.

Слава: Чертогу Твоему светонѡсно-  
му, Господи, вселити сподѡби, яже в  
вѣре к Тебѣ усѡпшия, тех презирая  
прегрѣшѣния, яко Благ и Милосерд и  
Многомилостив.

И ныне: Поѣм Тя, Благословѣнная  
Чистая, Еяже ради нам возсия, сущим  
во тьме и сѣни смѣртней, правды не-  
заходимое Солнце, Ты бо нашего спа-  
сѣния Ходатаица была еси.

### Кондак, глас 8-й

Со святы́ми упоко́й, Христе, души раб Твоих, иде́же несть болѣзнь, ни печаль, ни воздыха́ние, но жизнь безконѣчная.

### Икос

Сам Един еси Безсмѣртный, сотвори́вый и созда́вый человека, земнии́ убо от земли́ созда́хомся и в зѣмлю ту́южде по́йдем, я́коже повелѣл еси, Созда́вый мя и рекій ми: яко земля́ еси и в зѣмлю оты́деши, а́може вси челове́цы по́йдем, надгробное рыда́ние творя́ще песнь: аллилу́иа, аллилу́иа, аллилу́иа.

### Песнь 7

*Ирмос:* Тебѣ умную, Богородице, пещь рассмотрим, вѣрнии: я́коже бо о́троки спасе́ три Превозно́симый, мир обнови, во чре́ве Твое́м всеце́л, хва́льный отце́в Бог, и препросла́влен.

Сія́нии пречистыя сла́вы Твоея́ озари́тися, Христѣ, подава́й, от бу́ри мирскія к Тебѣ отше́дшим, и тех спо-

дóби с мученики взывáти Тебé: хвалѣ-  
мый отцѣв Боже, благословѣн есѣ.

Нов Адам войстинну быв, Адáмов  
Содѣтелю, Иже клятву бо Адáмову едѣн  
потребѣл есѣ. Тѣмже мóлимся Тебé:  
престáвленныя упокоѣй в слáдости рáй-  
стей, Христé, яко Едѣн Милосерд.

Слава: Иже нáшу естѣственную нé-  
мощь едѣн свѣдый яко Бог, Благ же и  
Милостив, вся, ѣхже престáвил есѣ,  
идеже свет незаходѣмый присещáет  
лицá Твоегó учинѣ, Христé, хвалѣмый  
отцѣв Боже и препрослáвлен.

И ныне: Закóна сени, и дрéвняя  
гадания Твоѣм преидóша рождествóм  
Богомати, Ты бо нам Божѣственныя  
благодáти свѣт возсѣяла есѣ; ѣмже  
дрéвних избáвихомся долгóв, Чистая,  
воспева́юще Бога препрослáвленного.

## Песнь 8

*Ирмос:* В пещѣ́ о́троцы Израилевы, я́ко-  
же в горнѣ́ле доб́отою благоче́стия Чист́ее

злата блещахуся, глаголюще: благословите, вся дела Господня, Господа, пойте и перевозносите во вся веки.

Предстоятели, Спасе, десныя, верою оправдав молитвами страстотерпец, яже преставил еси верныя покажи, поющия: благословите, вся дела Господня, Господа, пойте и перевозносите Его во вся веки.

Скверну всю Твоих рабов усопших, Твоего человеколюбия росю отмыв, Ты песньми воспевати сподоби: благословите, вся дела Господня, Господа, пойте и перевозносите Его во вся веки.

Слава: Иже смерти и живота имеяй всякую власть, яже верою усопших Твоего сияния улучшить благоволи, взывающия: благословите, вся дела Господня, Господа, пойте и перевозносите Его во веки.

И ныне: Спасения Ходатаица нам была еси, Всенепорочная, и в непреходимыя веки пребывания же и свет-



лости; Тебе, Дево Чистая, прісно вся делá благословім и превозно́сим во вся вѣки.

### Песнь 9

*Ирмос:* Образ чистаго Рождества Твоего огнепалімая купина́ показá неопáльная; и ны́не на нас напáстей свирѣпеющую угасіти мо́лимся пещь, да Тя, Богородице, непрестáнно велича́ем.

Пощади́ я́ко Бог Человеколю́бв и Милостив Твое́ создáние и упоко́й в се́лѣниих святы́х Твои́х, иде́же мученицы вси веселя́тся, вѣрою преста́вленные от вре́менных, Многоми́лостиве.

Име́яй милостей без́дну, препобежда́ющую рабо́в Твои́х прегреше́ния, ихже избра́, упоко́й в не́драх Авраа́млих, Человеколю́бче, и с Ла́зарем во свет Твой всели́.

Слава: Изба́витель и Спас быв ро́ду челове́ческому, распя́тия ра́ди, я́же от нас преста́вил еси́, я́ко Благода́тель, наслажде́ния Божества́ннаго сподо́би,

и животá нетлénнаго, и весéлия и свé-  
тлости.

И ныне: О яже пáче умá чудés Тво-  
их! Ты бо, Дево, Еді́на всем, і́же под  
со́лнцем, подалá еси́ разумéти новéй-  
шее чúдо, Пречистая, Твоего́ Рожде-  
ства недоумénнаго; тёмже Тя вси ве-  
личáем.

Досто́йно есть я́ко воістинну бла-  
жіти Тя, Богорóдицу, Приснобла-  
жénную и Пренепорóчную и Мáтерь  
Бо́га нáшего. Честнéйшую Херувім и  
сла́внейшую без сравнénия Серафім,  
без ислéния Бо́га Сло́ва рóждшую,  
сúщую Богорóдицу, Тя величáем.

**Заупокійная литія  
для чтенія мирянами\***

Трисвятое. Слава, и ныне: Пресвятáя  
Тро́ице... Господи, помилуй. (*Трижды*)  
Слава, и ныне: Отче наш... (*стр. 4—5*).

---

\* Здесь литія является завершением заупо-  
койного канона, но ее можно читать отдельно  
и дома, и на кладбище.

**Тропари, глас 4-й**

Со дѹхи прáведных скончáвшихся души раб Твоих, Спáсе, упоко́й, сохра-  
ня́я их во блаже́нной жизни, я́же у Тебе, Чело́веколю́бче.

В покóищи Твоем, Господи, идéже вси святíи Твои упоко́евáются, упо-  
ко́й души раб Твоих, яко Едíн еси Че-  
ловеколю́бец.

Слава: Ты еси Бог, соше́дый во ад и  
у́зы оковáнных разреши́вый, Сам и  
души раб Твоих упоко́й.

И ныне: Едíна Чистая и Непорóч-  
ная Дево, Бога без сéмене рóждшая,  
моли́ спастися душáм их.

Господи, помилуй (40 раз).

Помяни́, Го́споди Бо́же наш, в вé-  
ре и надéжди животá вéчнаго усоп-  
ших рабы Тво́я (имена), и яко Благ и  
Человеколю́бец, отпу́щаяй грехи́, и  
потребля́яй неправды, осла́би, оста́-  
ви, и прости́ вся во́льная их согреше́-  
ния и нево́льная, возставля́я я во свя-

то́е Второ́е Прише́ствие Твое́ в прича́-  
стие вечных Твоих благ, ихже ра́ди в  
Тя Еди́наго ве́роваша, Истиннаго Бо-  
га и Человеколю́бца; яко Ты еси вос-  
кресе́ние и живо́т, и покло́й рабом Тво-  
им (*имена*), Христе Боже наш, и Те-  
бе славу возсылаем, со Безначальным  
Твоим Отцем, и с Пресвятым Духом,  
ныне и присно и во веки веков, аминь.

Честне́йшую Херув́им и сла́вней-  
шую без сравне́ния Сераф́им, без ис-  
тле́ния Бога Сло́ва ро́ждшую, су́щую  
Богородицу, Тя величаем.

Слава, и ныне: Господи, помилуй.  
(*Трижды*)

Господи Иисусе Христе, Сыне Бо-  
жий, молитвами Пречистыя Твоея Ма-  
тере, преподобных и богоносных отец  
наших и всех святых помилуй и упокой  
души раб Твоих (*имена*) и всех право-  
славных христиан в безконечныя веки,  
яко Благ и Человеколюбец, аминь.



*Затем троекратно возглашаем:*

Рабо́м Божиим преста́вльшимся, отцем и братьям нашим, и всем православным христианом, о нѣхже и поминание творим, вечная память.

*Читаем трижды тропарь с поклонами:*

Покой, Господи, души усопших раб Твоих (*поклон*), и елико в житии сем яко челове́цы согреши́ша, Ты же, яко Человеколюбец Бог, прости их и помилуй (*поклон*), вечныя муки избави (*поклон*), Небесному Царствию причастники учини (*поклон*), и душáм нашим полезная сотвори (*поклон*).





## КАНОН ПРЕПОДОБНОМУ ПАИСИЮ ВЕЛИКОМУ

Великий египетский подвижник V в. жил в пещере в Нитрийской пустыне. Со временем там образовался монастырь. Святой отличался великим смирением. Молитва преподобного была сильна: он умолил Бога о прощении двух иноков, отвергшихся Христа. Есть обычай молиться прп. Паисию о прощении грехов умерших и избавлении их от вечной муки. Память прп. Паисия — 19 июня (2 июля по н. ст.).

*Краегранёсие\* без Богородичных:  
Пою подвиги Па́исия Вели́каго.*

**Г л а с 4-й**

**Песнь 1**

*Ирмо́с:* Отве́рзу уста́ моя́, и напо́лнятся  
Ду́ха, и сло́во отры́гну Цари́це Ма́тери и яв-

---

\* Краегранёсие — акrostих, составленный из начальных букв тропарей канона.

люся свѣтло торжествѹя, и воспюю, радуся,  
Тоѹ чудеса.

*Припев:* Преподобне отче Паїсие, моли  
Бога о нас.

Приидіте, воспойм вси богомѹд-  
раго Паїсія, отцѣв верховника, пре-  
подобных красотѹ, по́стников осно-  
ва́ние, покая́ния проповѣдника и ду-  
ша́м на́шим заступника и хранітеля  
необоріма, и всех вѣрных утверж-  
де́ние.

От благаго ко́рене добр плод по-  
зна́лся еси́, блаже́нне, от христолюби-  
вых роди́телей прозябл еси́ Божѣст-  
венная ветвь, носящая кра́сныя плоды́  
добродѣтелей, ѿмиже вѣрных сердца́  
благоуха́л еси́ и пе́ти научи́л еси́ Бо́-  
жия чудеса́.

Слава: Юну ти сѹщу о́троку и осиротѣвшу от отца́, ма́ти твоѹ, блаже́н-  
не, ору́жием печа́ли прободáшеся;  
а́бие же Ангел Господень во сне пред-

ста ей и сѣтование разреши, и тебѣ, яко священное приношеніе, дати Бóгу благовесті, кúпно же и научи пѣти Бóжия чудеса.

И ныне: Юно Отроча раждается нам из Дѣвы Матере, Адама древнѣйшее, Бог сый превѣчный и Содѣтель всяческих. Восхотѣв вообразитися в чуждее, мир от тли избави, и собор по́стников совокупи Небѣсным Силам, и пѣти научи всех Божественная Его чудеса.

### Песнь 3

*Ирмос:* Твоя песнословцы, Богородице, живый и независтный истóчнице, лик себе совокупльшия, духовно утверди, в Божественней Твоей славе венцев славы сподоби.

Познан был еси от пелен, освящен Бóгу, Пайсие преподобне, и, взем твой крест, к Немú потекл еси тѣпле жительством непорóчным и воздержани-



ем, и житія свѣтлостію. Сего ради вселѣлся еси во обители Небесныя, помяни́ убо и нас, тя поминающих и поющих: венцев славы сподоби.

Отечество твоё, славне, Египет просветися честнымъ рождествомъ твоимъ, Нитрійская гора освятися славнымъ житіемъ твоимъ, вся же вселенная, чудящися, хвалитъ пачеестественныя подвиги твоѣ, вси же тя купно молитвенника ко Христу предлагаемъ, блаженне Паисіе.

Слава: Дивно показалъ еси твоё пощѣние, Паисіе, еди́ноши в седмице ядый, симъ тѣло твоё смиряя и помыслы души́ укрощая; к сему же и нищету самовольную Христа ради стяжавъ, от всехъ житѣйскихъ свободенъ пребылъ еси, добродѣтелями же обогатился еси. Тѣмже и нас, обнищавшихъ добрыми дѣлы, молитвами твоими обогатѣи и венцевъ славы сподоби.

И ныне: Дѣвнѣя велѣчїя на Тебѣ Господѣ сотвори, Дѣво Чїстая. Сего ради поѣм Твое Рождество и славим из Тебѣ Рожденнаго ꙗко Бога же и чловека, Егѡже моли прилѣжно с преподѡбными отцы и со всеми святыми помѣловати дѹши наша.

Моли Бога о усопшем (*имя рек*), преподобне отче Паисие, да избавит его муки вечныя и грехов оставление дарует.

### Седален, глас 8-й

Красоты мирскїя измлада, преподѡбне, возненавидѣв, Единаго Христа от сѣрдца возлюбил еси и, Тому всею душою прилепився, ꙗко безплѡтен на земли пожил еси с плѡтию, славу же мимотекущую и богатство ни во чтоже вменив, Небесное богатство восприѣл еси и славу вечную. Темже и ублажаем святое твое успѣние и, сие торжеству-

юще, вопиѣм ти: богоблаженне отче наш Паѣсие, моли Христа Бѣга согрѣшеній оставленіе даровати чтущим любовію святую пѣмать твою.

Слава, и ныне, *Богородичен*:

Яко Дѣву и Едину в женахъ, Тя, без семене рѣдшую Бѣга плѣтию, вси ублажаемъ, роди человѣчестии: огонь бо вселѣся в Тя Божества и яко младенца дойши Зиждителя и Господа. Тѣмже, ангельскій и человѣческій род, достойно славимъ пресвятѣе Рождество Твое и согласно вопиѣмъ Ти: моли Христа Бѣга согрѣшеній оставленіе даровати покланяющимся вѣрою пресвятому Рождеству Твоему.

#### Песнь 4

*Ирмос*: Седѣй въ славѣ на Престолѣ Божества во облацѣ легце, прииде Иисусъ Пребожественный нетленною дланію и спасе зовущіа: слава, Христѣ, силѣ Твоей.

В крѣпости своѣй враг превѣтхий, твоея душѣ не могѣй крѣпости поколебати, ухищряет любоимѣнием тебѣ уловѣти: ѡбие является христілюбѣвому князю во ѡбразѣ ангела прелукáвый, мнѡжество зláта и сребрá тебѣ дати повелеваяй. Ты же, сѣ отрѣнув, врагá посрамѣл есѣ, прѣсно поя: слáва, Христѣ, силе Твоѣй.

И ꙗко побежденъ бысть врагъ и кому́ уже не могѣй приблизитися къ тебѣ, ѡбáче, ꙗко левъ сѣ, рыкаѣй и искѣй когѡ поглѡтити, похѣти два твоѣ ученикá во иудѣйское нечѣстїе: ѡваго ўбо, ꙗко прѡста, слѡвомъ уловѣ: ещѣ не приитѣ Мессѣи Христѣ; ѡваго же, увѣ, и обрѣзатися, и единомѣдрствовати со иудѣи сотвори сквернáвыя рáди жены, невѣдущїя пѣти: слáва, Христѣ, силе Твоѣй.

Слава: Гѡспода Бѡга милосѣрдію подражáя, преподѡбне, прѣшедшаго



в мир грѣшныя спасти, прилѣжно  
взыскавый агнцы твоѧ и обрѣтый,  
ѧбие исхитил еси я от пагубнаго волка  
и Христову стаду сочетал еси, всем  
подаѧ образ покаяния и всем повеле-  
вая присно пѣти: слава, Христѣ, силе  
Твоей.

И ныне: Господородительнице, Гос-  
пожѣ Царѣце, Благѧго Бѧга рѣдши и  
Самѧ Благѧя сущи, Ты мне предстѧни  
в час смѣртный и избѧви мя от руки бе-  
совския и от горьких мытарств, и вся-  
каго инѧго мучѣния и сподѣби мя  
одесную стати Сына Твоего, со всеми  
избранными Его, в день Судный, мо-  
литвами Твоими, Чистая.

### Песнь 5

*Ирмос:* Ужасѣшася всѧческая о Божѣст-  
венней славе Твоей: Ты бо, Неискусобрач-  
ная Дѣво, имѣла еси во утрѣбе над всеми  
Богѧ и родила еси безлѣтнаго Сына, всем  
воспевающим Тя мир подаѧющая.

Имѣя наставляющую тя Божія Духа силу, в непроходимой пустыни живый, скача, якоже елень, по горам, желал еси, отче, райския доброты. Сего ради не дал еси сна твоима очима, блаженне Паисие, ни веждома дремания, дондеже сподобился еси праведных селения, еже уготова Бог любящим Его.

Постом предпочистився и умъ чистотою просветився, восхищен был еси в рай, узрел еси селения праведных и обители святых и пищи Небесныя вкусил еси. Темже и нам, славящим память твою, причастником быти оныя молися.

Слава: Ангелов множество видено бысть, сохраняющих ученики твои, иже, тобою наставляеми, ангельское на земли подражаху житие и попираху силу вражю, с нимиже ныне поживая во Царствии Небеснем, бла-

жённе Паісие, мо́ліся Христу́ спас-  
ти́ся душáм нáшим.

И ныне: Ангелов святѣйшая войс-  
тинну явѣлася еси́, Влады́чице, я́ко  
на Него́же онѣ́ зрѣти не мо́гут, Ты  
Сего́ родила́ еси́ и я́ко младѣнца на  
руку́ Твоею́ носѣла еси́. Тѣмже моли́  
Его́, я́ко Сы́на Твоего́ и Бо́га нáшего,  
о чту́щих Тя прѣсно, с Паісием бла-  
жѣнным.

### Песнь 6

*Ирмос:* Божѣственное сие́ и всечестно́е  
соверша́юще прáзднество, богомудри́и, Бо-  
гомáтере, приидѣте, рука́ми восплѣщим, от  
Нея́ рождшагося Бо́га сла́вим.

Иже во отцѣх вели́кий Ефре́м,  
слы́шав Божѣственный свѣ́ше глас,  
повѣдающ пресла́вная о тебѣ́, блаже́н-  
не, áбие вожде́лѣ ви́дети тя. Ско́ро  
у́бо потече́ ко Егѣ́пту и, я́ко при́иде и  
обрѣ́те тя, вельми́ удиви́ся Божѣствен-  
ней тво́ей свѣ́тлости и Ду́ха благо-

да́ти, те́мже благодаря́ше и сла́вяше  
Бо́га, кúпно же и моля́шеся с тобо́ю  
о душа́х на́ших.

Смирён, незло́бив, прост, крóток и  
молчали́в был еси́, о́тче, па́че челове́-  
ка вои́стинну. Сего́ ра́ди крóткому  
Па́стырю, Христу́, я́ко овча́ незло́би-  
во, усер́дно послёдовал еси́ и, я́ко  
Ангел, Тому́ послужив, ны́не со Ан-  
гелы весели́шися на земли́ крóтких.  
Помина́й нас, чту́щих тя, Па́исие  
блаже́нне.

Слава: Иису́са сла́дкаго желая́ при́-  
сно насыща́тися кра́сныя добрóты, в  
гора́х и в пеще́рах заклю́чился еси́, во  
мно́гих по́двизех и нищете́ живы́й.  
При́де же я́ве к тебе́ Госпо́дь и умале́-  
на тя зело́ возвели́чи, и, обнища́вша  
во́льне Его́ ра́ди, вельми́ тя обогати́  
Небе́сным Ца́рством, иде́же ны́не с  
Ним ца́рствуеши. Моли́ся приле́жно и  
нам в Ца́рствие Небе́сное вни́ти.



И ныне: Иисуса сладкаго рожда-  
шая, Отроковице Богородительнице,  
Иисуса Всещедрого и Человеколюбиваго,  
Иисуса Единого благоутробнаго,  
Того моли, Владычице мира, с по-  
стники и преподобными, помилovati  
души наша.

Моли Бога о усопшем (*имя рек*),  
преподобне отче Паисие, да избавит  
его муки вечныя и грехов оставление  
дарует.

### Кондак, глас 8-й

От млада званию Господа твоего  
последовал еси усердно, блаженне,  
вся, яже в мире красная, Его ради  
оставив. Крест твой на рамена взем,  
вселился еси в пустыню и, тамо  
ангельски пожив, тело твоё постом и  
молитвами изнурил еси, и многим  
путь был еси ко спасению, вся возво-  
дя к Божественней высотё, Паисие

преподѣбне, отцѣв и по́стников твѣр-  
дое основаніе.

### Икос

Приидіте, богоизбранныи мона-  
шествующих собѣри, похвалим ны́не  
и пѣсньми почтѣм священную пѣмѣть  
пречуднаго отца, блаженнаго Паи-  
сія, взывающе ему́ таковѣя: раду́йся,  
боголюбѣвых родѣтелей рождѣніе;  
раду́йся, от самых пелѣн священное  
Бо́гу приношеніе. Раду́йся, ꙗко міра  
сего́ вся красная оставил еси́; раду́й-  
ся, ꙗко к жесто́кому житію́ себѣ на-  
правил еси́. Раду́йся, ꙗко вся умѣты  
быти вмени́л еси́; раду́йся, ꙗко Еди́на-  
го то́кмо Христа́ возлюбѣл еси́. Раду́й-  
ся, вся се́ти вра́жия до конца́ разру-  
шѣвый; раду́йся, терпѣніем по́двигов  
твоѣх Ангелы удиви́вый. Раду́йся, ꙗко  
тѣло твоѣ постѣм и бдѣніем удручи́л  
еси́; раду́йся, ꙗко ду́шу твою́ моли́т-

вою и умá чистото́ю просвети́л еси́. Ра́дуйся, безмо́лвия и пусты́ни любите́лю; ра́дуйся, по́стников и мона́хов богому́дрый учи́телю. Ра́дуйся, Паи́сие преподо́бне, отце́в и по́стников тве́рдое основа́ние.

### Песнь 7

*Ирмос:* Не послужи́ша тва́ри богому́дрии па́че Созда́вшего, но, о́гненное преще́ние му́жески попра́вше, ра́довахуся, пою́ще: препе́тый отце́в Госпо́дь и Бог, благослове́н еси́.

Язы́к челове́чь не мо́жет изрещи́ по́двиги тво́я, блаже́нне, па́че бо естества́ подвижа́лся еси́, мно́гажды и на до́лзе без пи́щи пребыва́я. Сего́ ра́ди, я́ко вели́кое со́лнце, просия́л еси́ во вся ми́ра концы́ и ны́не, со Ангелы лику́я на Небесе́х, помина́й нас, чту́щих пречестну́ю па́мять твою́.

Вели́к по́стник войстинну́ показáлся еси́, преподо́бне: алчбо́ю бо и жа́ждою томи́л еси́ плоть твою́, желáя

наслади́тися Небе́снаго Хлѣба, Хри́ста, егѡже ны́не, ѡ́тче Па́йсие, насы́щаяся, и нам прича́стником бы́ти ѡ́наго моли́ся.

Слава: Еди́ницу Трисвяту́ю песносло́вил еси́, Отца́ и Сы́на и Ду́ха Всесвята́го, Трѡицу Неразде́льную, от Нея́же де́йство чудесъ при́ял еси́, е́же исцеля́ти недуги разли́чныя и прогоня́ти ду́хи лука́выя, те́мже па́мять твою́ почита́ем, досточу́дне.

И ны́не: Еди́наго от Трѡи́цы Хри́ста родила́ еси́ нам, Всесвята́я Де́во Бого-родите́льнице, и Того́ млеко́м пита́ла еси́, всем пи́щу даю́щаго, и на руку́ Твое́ю носи́ла еси́ вся нося́щаго и на святы́х и преподо́бных почива́ющаго, и вся Тебе́ ра́ди, Чи́стая, освяща́ющаго.

### Песнь 8

*Ирмос:* Отроки благочесті́выя в пещи́ Рождество́ Богоро́дичо спасло́ есть; тогда́ убо образу́емое, ны́не же де́йствуемое, все-



лённую всю воздвизает пѣти Тебѣ: Господа пойте, дела, и превозносите Его во вся вѣки.

Люди, невѣдущия Святыя Троицы, научаемы же от некоего старца почитати двоицу, ты, блаженне, воображением кошниц с тремя ушесы научил еси таинству Святыя Троицы, сказуя и ясно проповѣдуя всем, яко Един Бог в Трех Лицах нераздельно славится во вѣки.

Иже монахом был еси наставник и пастырь овцам на пажити Божия слова, сугубу благодать от Господа приыл еси, Паисие, и венцы нетленны и вечную радость; и ныне, ликуя, в веселии поѣши Господа во вся вѣки.

Слава: Кто изречет подвиги твоя, о всеблаженне Паисие! Ты бо, якоже безплотен, пожил еси на земли и ныне прешел еси к Небесным во гласе радования, к Трисолнечному Свету, идеже

во Отцѣ зрѣши Сына и Духа Всесвятѣго, Трѣицу во Единице, Ейже, покланяющеся, вси поѣм во вся вѣки.

И ныне: Кто изречѣт на Тебѣ бывшее страшное таинство, о Богородительнице! Ты бо Едина явилася еси во всех рѣдех Дѣва и Мати, Бога Слова рождши, дѣвствуеши паки. Тѣмже вси преподѣбнии к Тебѣ прибегают и, дѣвство держаще, от Тебѣ, Владычице, усыновленія чают.

### Песнь 9

*Ирмос:* Всяк земнорѣдный да взыграется, Духом просвѣщаем, да торжествует же безплѣтных умѣв естество, почитающее священное торжество Богоматере, и да вопиет: радуися, всеблаженная Богородице, Чистая Приснодѣво.

Ангельскому житію поревновал еси, всеблаженне: равноангельно в Нитрійстей горѣ пожил еси и Святѣй Трѣице в конец угодил еси. Тем и

равноа́нгельну по́чьсть от Бо́га сподо́-  
бился еси́ при́яти: ны́не со апо́сто́лы,  
му́ченики, преподо́бными и со все́ми  
пра́ведными лику́я, помина́й нас, чту́-  
щих пречестну́ю па́мьять твою́.

Го́ры и хо́лми да взыгра́ют, и все  
мно́жество мона́шествующих да вос-  
плéщет днесь, я́ко настá нам свето-  
но́сный твой пра́здник, всеблаже́нне  
Па́исие, испо́лнь ра́дости и весе́лия  
духо́внаго, испо́лнь благоуха́ния и  
просвеще́ния. И ны́не, иму́ще тя по-  
ще́ния пра́вило и законополо́жника,  
ра́дуемся.

Слава: От раб недосто́йных при-  
ими́ хвалу́, преподо́бне Па́исие, и жи-  
ти́я сего́ непостоя́нную пучи́ну да́руй  
нам немяте́жно прейти́, и моли́тву о  
нас к Бо́гу сотвори́, че́стно почита́-  
ющих твою́ па́мьять, и одержáщих и  
жду́щих нас зол изба́ви, да во ве́ки  
тебе́ велича́ем.

И ныне: О́крест Тебѣ предстоятъ преподобныхъ ли́ки, Пресвята́я Бого-ро́дице, я́ко сынове дне, от Тебѣ, и́стинныя Ма́тере Свѣта, усыновле́ни и, Твоѣю сла́вою крася́щися, хва́лят Тя немóлчными гла́сы. Ихже моли́твами и уго́дника Твоего́ Па́исия, помíлуй нас, недостóйныхъ рабъ Твои́х, и от всехъ злыхъ свободи́, и Ца́рствия Небе́снаго сподо́би, да во ве́ки Тебѣ велича́ем, Чи́стая.

Моли Бога о усопшем (*имя рек*), преподобне отче Паисие, да избавит его муки вечныя и грехов оставление дарует.







## КАНОН СВЯТОМУ МУЧЕНИКУ УАРУ

*(творение Иосифово)*

Воин Уар посещал заключенных в темницу за веру христиан, перевязывал их раны, а затем и сам принял мученическую смерть (307 г.). Вдове-христианке Клеопатре, почтившей мощи святого и построившей храм, было открыто, что внезапно умерший сын ее, о котором она очень скорбела, с мч. Уаром предстоит Престолу Небесного Царя. Св. также умолил Бога о прощении грехов ее усопших сродников, поэтому к его предстательству прибегают при совершении заупокойных молитв. Существует обычай молиться мч. Уару о некрещеных и неправославных усопших. Но в житии не сказано, что родственники св. Клеопатры были некрещеными. Память — 19 октября (1 ноября по н. ст.).

**Г л а с 6-й**

**Песнь 1**

*Ирмос:* Яко по сѹху пешешествовав Израиль по бездне стопами, гонителя фараона видя потопляема, Бѹгу победную песнь поим, вопияше.

*Припев:* Святы́й му́чениче Уа́ре, моли́ Бо́га о нас.

Явился еси́ на высоте Христо́вы Цѣркве, Уа́ре, якоже со́лнце свѣтлое, блиста́нми просвещая твои́х борений, блаже́нне, земная исполнения.

Божѣственныя любве́, всеблаже́нне, объят сладким рачением, отверглся еси́ себе и ко всякой му́це плѣтстей устремился еси́, крѣпко подвизався.

Слава: Смысленно Божѣственных подвижник узами связав себе, страс-тотерпче, и лестныя разорил еси́ узы крѣпким терпѣнием мно́гих мук.

И, ныне: Пресу́щественное Слово во Тво́ем чре́ве па́че слова вселися и, родився боголепно, му́ченическия лики, Чистая, приведе́, с нѣмиже пес-нословим Тя.

### Песнь 3

*Ирмос:* Несть свят, якоже Ты, Го́споди Бо́же мой, вознесый рог ве́рных Твои́х, Бла́-

же, и утвердѣвый нас на камени исповѣданія Твоего.

Вшел еси разумом крепким в мужественныя подвиги, утвердѣвся надеждами будущих благих и мучеников Христовых всемудрыми, блаженне, поучении.

Воинство святых страсотерпец, страдающих законне зря, оных показал еси мужескую крепость, применяясь многообразным, Уаре, мукам.

Слава: В полце священнем, Уаре, яко доблей воин, обрелся еси и ссек множество мужества мечем, мудре, ратным, победами славим.

И ныне: Дѣво Мати Божия, моего уныния глубочайшую тьму и облаки страстей просвещением, еже в Тебѣ, молю Тя, благодати, отжени.

Моли Бога о усопшем (*имя рек*), святой мученик Уаре, яко мы усердно к тебе прибегаем, скорому помощнику и молитвеннику о душах наших.

### Седален, глас 1-й

Страсти честныхъ видеѣ мучениковъ  
и техъ лобзавъ узы любвию, на высоту  
востѣклъ еси свидѣтельства, всечюдне:  
на древе бо повешенъ, раны претерпелъ  
еси, дондеже въ руки Господни духъ  
предалъ еси.

Слава, и ныне, *Богородиченъ*:

Упование христианъ, Пресвятая Дѣ-  
во, Егѣже родила еси Бога, паче ума и  
слова, непрестанно моли о воспеваю-  
щихъ Тя подати оставление грехѣвъ на-  
шихъ всехъ и исправление жития верою  
и любовью присно славящимъ Тя.

### Песнь 4

*Ирмосъ*: Христосъ мой Сила, Богъ и Господь,  
честная Церковь боголепно поетъ, взываючи,  
отъ смысла чиста, о Господе празднующи.

Святыми язвами удобряемъ, крас-  
нейший явился еси, и Богу, Уаре, воз-  
любленъ, венчавшему твой верхъ, дос-  
точудне.



На кресте, славне, растязаем и на земли простираем, лютыя болѣзни претерпел еси. Тем неболѣзненную жизнь наследовал еси, веселяся.

Законно видяще Божественнии мученицы страждуща тя, блаженне, терпѣния словесы укрепляху, с нимиже страсти долгия совершив, ублажился еси.

Слава: Хвалами венчаем Божественныя мученики, яже венча благодать Божественная Божественными увязѣнии, низложших вражия высокая мудрования.

И ныне: От тины страстей, Владычице, возведи и страстных помышлений, отчуждающих мя Бога, Единого Чистаго, да верою ублажаю Тя.

### Песнь 5

*Ирмос:* Божиим светом Твоим, Блаже, утренюющих Ти души любовью озари, молюся, Тя водити, Слове Божий, Истиннаго Бога, от мрака греховнаго взывающа.

Укрепляешися мановѣньми Божественными и неослабная терзания терпиши дѡблѣим смыслом, Уаре, растерзая гордаго сѣрдце, злобу содѣлавшаго.

Славный мученик, видя отпадающія на зѣмлю своя плѣти, радовавшаяся, вѣчнующая, ума свѣтлостію, и Божественная воздѣнія предпрозирая.

Слава: «Пою Тя, Господи Бѡже, и славословлю, и покланяюся, благѣх сподобляясь, уготѡванных Тебѣ возлюбльшим», — мученик в страданіи тепле зовяше.

И ныне: Явльшися Херувѣм и Серафѣм яко войстинну святѣйши, Всенепорѡчная, вся, вѣрно Тя ныне освящающія, освяти и спаси ходѣтайством Твоѣм.

## Песнь 6

*Ирмос:* Житейское море, воздвизаемое зря напáстей бурю, к тихому пристáнищу Твоему притек, вопию Ти: возведи от тли живóт мой, Многомýлостиве.

Глаголов небрѣгл еси пребеззакóннаго врага и пламень претерпел еси нестерпимых болѣзней терпеливно, многострадальне Уáре, молебниче о хвáлящих тя вѣрою.

Не престáше мучитель пребезумный ранами немýлостивно сдробляя тя, дóндеже в руки Бóжия священную твою дýшу прѣдал еси, добрóтами просвѣщшуся пóдвиг твоих.

Слава: Возвысился еси подóбся на древе Христú и, на том вѣся, твою дýшу прѣдал еси Бóгу, ты венчаваýщу, страсотерпче, законно дóблествовавши.

И ныне: Управи, Владычице, в пучи́не лю́тых обуреваемую всегда смиренную дýшу мою и к тихому при-

ста́нищу напра́ви, несомненным ра́зумом Тя блажа́щую.

Моли Бога о усопшем (*имя рек*), святой мученик Уаре, яко мы усердно к тебе прибегаем, скорому помощнику и молитвеннику о душа́х наших.

### Кондак, глас 4-й

Христу́ последуя, му́чениче Уаре, Того испив ча́шу, и венцем мучения увязе́ся, и со Ангелы ликовству́еши; моли́ непреста́нно за ду́ши на́ша.

### Икос

Вспомяни на́ша глаголы, свѣтлый жителю Небе́сный, Христовъ славный великомучениче Уаре, вѣчному покою тезоименитый, и вели́кими твои́ми страда́нии непроходимое и свѣтлое покоище приобрете́ый: от непреходныя темни́цы и томления непреста́ннаго, и ну́жды потщи́ся богоприятными твои́ми моли́твами избáвити



рабы умиленные, ихже ради молим  
тя, предстояще и во усердии взываю-  
ще, исполни наша прошения, святе,  
и Христа Бога моли непрестанно за  
души наша.

### Песнь 7

*Ирмос:* Росодательну ўбо пещь содела  
Ангел преподобным отроком, халдеи же  
опаляющее веление Божие мучителя увеща  
вопити: благословен еси, Боже отец наших.

Просвещена ты подвигов прило-  
женьми, предобрая Клеопатра, Уаре,  
скутала есть, обретши славу тобою,  
веры достойну яве, юже показá тепле  
в твоё скончание.

Изливаючи на ты слёзы и мѣры ты  
честными помазующи, сокрывает ты  
под землёю всечестная жена, погреб-  
шаго прелесть лукавую и из гроба  
блистанными просвещающа нас.

Слава: Не престайше, преподобне,  
угождаючи тебе, Христову угоднику,

приснопáмятная, дóндеже явѣлся есѣ ходáтай ей, мýдре, Цáрствія Небéснаго, егóже сподóбися тобóю с любезнейшим сы́ном.

И ныне: Сокрушéна мя безчисленными согрешении, Дéво, ходáтайством Твоѣм обновѣ, уврачующи мою́ дýшу и слóво подаю́щи вопѣти: благословéна, Яже Бóга плóтию рождшая.

### Песнь 8

*Ирмос:* Из пла́мене преподóбным рóсу источѣл есѣ и праведнаго жертву водою попáлѣл есѣ, вся бо творѣши, Христé, тóкмо еже хотéти; Тя превозно́сим во вся веки.

Мáтерних послушав, мýчениче, молеб, Небéсному во́инству свѣтло во́инствуя, óтрока честна́го и твоегó неотступна показáл есѣ благослáвля не-изречéнным милосéрдием.

От Египта ты богáтство я́коже многоцéнное принесé, мýчениче, разбо-

гаты́щи многоце́нными дарми́ Клеопатра целёнии всю Палестину, любви́ю ты почита́ющую.

Слава: Веселя́ся, по́двиги тво́я совершил еси́, во́ине до́блйи Вседержителя, и́ яко победитель от Него венчался еси́, У́аре всеблаже́нне, мучеников великая сла́во.

И ны́не: Грехи прилагаю ко грехо́м и будущаго не бою́ся Страшнаго Суда; победи, Чистая, ду́шй мое́й ослепление и мо́льбою Тво́ею, обративши, мя спаси́.

## Песнь 9

*Ирмос:* Бо́га челове́ком невозможно видети, на Него́же не смею́т чи́ни Ангельстии взирати; Тобо́ю же, Всечистая, яви́ся челове́ком Слово воплощенно, Его́же велича́юще, с Небе́сными во́и\* Тя ублажаем.

Крепость низложи́л еси́ ратобо́рца, Божёственною́ я́ве си́лою препоя́-

---

\* Во́и — воинства, воины.

сався, страдальче до́блій У́аре. Тем ты хвалим, врачевание обѣильное от твоѣх мощѣй вѣрнии почерпающе.

Яко свет, яко утро, яко великое солнце в земныя простресе пѣмь твою концы, светонѣсными просвѣщающе сѣньми твоѣх честныхъ по́двиговъ, прехвальне, и мракъ сердецъ отгоняюще.

С тобою сияюще видѣвши славою мно́гою своего сына, чадолюбивая всехъ Бѣга величае; тебѣ же ѣскреннейше, мучениче, сла́вяше велича́йшаго предста́теля, явственнѣо обога́тившися.

Слава: Земля, на нейже терпеливейшее тѣло твое, мѣдре, лежитъ, Бѣжественнѣо освятися; но даждь мо́литвами твоѣми намъ разрѣше́нне грѣховъ, житі́я исправленіе, Уаре, и всехъ неудобныхъ избавленіе.

И нынѣ: Явлься, Дѣво, из Тебѣ Господь, свѣтлаго облака, египетскія



кумиры всяческой па́губе предаде́;  
мно́жество же страсотерпцев Сего́  
нести сподо́би, Сего́ подражатели  
честным Егó страда́нием.

Моли Бога о усопшем (*имя рек*),  
святой мученик Уаре, яко мы усердно  
к тебе прибегаем, скорому помощни-  
ку и молитвеннику о душа́х наших.





## ПАНИХИДА ДЛЯ ЧТЕНИЯ МИРЯНАМИ ДОМА И НА КЛАДБИЩЕ

Молитвами святых отец наших,  
Господи Иисусе Христе Боже наш,  
помилуй нас. Аминь.

Святы́й Бо́же, Святы́й Кре́пкий,  
Святы́й Безсме́ртный, помилуй нас.  
(Трижды)

Слава Отцу и Сыну и Святому Духу,  
и ныне и присно и во веки веков.  
Аминь.

Пресвята́я Троице, поми́луй нас;  
Го́споди, очисти грехи́ наша; Влады́-  
ко, прости́ беззаконія наша; Святы́й,  
посети и исцели́ немо́щи на́ша, име-  
не Твоего́ ради.

Господи, помилуй. (Трижды) Сла-  
ва, и ныне:

Отче наш, Иже еси на Небесѣхъ, да святѣтся имя Твое, да приидет Царствие Твое, да будет воля Твоя, яко на Небесѣхъ, и на землѣхъ. Хлеб наш насущный даждь нам днесь; и остави нам долги наша, якоже и мы оставляем должникомъ нашимъ; и не введи нас во искушение, но избави нас от лукаваго.

Господи, помилуй (*12 раз*). Слава, и ныне:

Приидите, поклонимся Цареву нашему Богу. (*Поклон*)

Приидите, поклонимся и припадём Христу, Цареву нашему Богу. (*Поклон*)

Приидите, поклонимся и припадём Самому Христу, Цареву и Богу нашему. (*Поклон*)

### Псалом 90

Живѣй въ по́мощи Вы́шняго, въ крѣ-  
ве Бога Небѣснаго водворѣтся. Ре-

че́т Го́сподеви: Засту́пник мой еси и Прибе́жище мое, Бог мой, и упова́ю на Него́. Яко То́й изба́вит тя от сѣти лóвчи, и от словесѣ мятѣжна, плещма́ Сво́йма осенѣ́тъ тя, и под криле́ Его наде́ешися; ору́жием обы́дет тя ѣстина Его. Не убой́шися от стра́ха но́щнаго, от стрелы́ летя́щия во дни, от ве́щи во тьме прехо́дящия, от сря́ща и бе́са полу́деннаго. Падѣ́тъ от страны́ тво́ея ты́сяща, и тьма одесну́ю тебѣ́, к тебѣ́ же не прибли́жится, о́баче очѣ́ма тво́йма смóтриши и возда́ние грѣшников у́зриши. Яко Ты, Господи, упова́ние мое; Вы́шняго положи́л еси прибе́жище твое. Не при́дет к тебе зло, и рана́ не прибли́жится телеси́ твоему, яко Ангелом Своим заповѣсть о тебѣ́, сохра́нити тя во всех путѣ́х твоих. На рука́х во́змут тя, да не когда́ преткне́ши о ка́мень но́гу твою́; на а́спида и васи́ліска насту́пиши, и поперѣ́ши льва и змѣ́ю. Яко на Мя упова́, и изба́влю ѣ́; покры́ю ѣ́,



яко познá имя Мое. Воззовет ко Мне, и услышу его, с ним есмь в скорби, изму́ его и просла́влю его, долгото́ю дней испо́лню его и явлю́ ему́ спасение Мое.

Слава, и ныне: Аллилуиа, аллилуиа, аллилуиа, слава Тебе, Боже. (Трижды) Господи, помилуй (12 раз). Слава, и ныне:


### Глас 8-й

*Стих 1:* Аллилуиа, аллилуиа, аллилуиа.

*Припев:* Аллилуиа, аллилуиа, аллилуиа.

*Стих 2:* Блажен, егоже избрал и прия́л еси́, Господи

(или: Блажена, юже избрал и прия́л еси́, Господи,

 или: Блажени, яже избрал и прия́л еси́, Господи).

*Припев:* Аллилуиа, аллилуиа, аллилуиа.

*Стих 3:* Па́мьять его (ея, их) в ро́д и ро́д.

*Припев:* Аллилуиа, аллилуиа, аллилуиа.

*Стих 4:* Душа его (ея) во благѣх водворѣтся

(или: Ду́ши их во благих водворят-ся).

*Припев:* Аллилуиа, аллилуиа, аллилуиа.

### Тропарь, глас 8-й

Глубино́ю му́дрости человеколю́бно вся стро́яй, и полѣзное всем подава́яй, Еди́не Содѣтелю, упоко́й, Господи, ду́ши раб Твоѣх, на Тя бо упова́ние возложи́ша, Творца́ и Зиждите́ля и Бога на́шего. (Дважды)

Сла́ва, и ны́не, *Богоро́дичен:*

Тебе́ и стѣну, и приста́нище ѣмамы, и молитвенницу благоприя́тну к Богу, Егѡже роди́ла еси́, Богородице Безневе́стная, верных спасение.

**Кафисма семнадцатая**

*(поется на 2-й глас или читается)*

<sup>1</sup> Блажéни непорóчнии в путь, ходя́щие в за́коне Господни.

*Припев:* Помяни, Господи, ду́ши раб Твоих (ду́шу раба Твоего, рабы Твоея)\*.

<sup>2</sup> Блажéни испытáющие свидéния Егó, всем сéрдцем взы́щут Егó. <sup>3</sup> Не дéлающие бо беззакóния, в путéх Егó ходи́ша. <sup>4</sup> Ты заповéдал еси́ за́поведи Твоя́ сохранíти зело́; <sup>5</sup> дабы́ испрáвились путиé мой, сохранíти оправдáния Твоя́. <sup>6</sup> Тогда́ не постыжýся, внегда́ призрéти ми на вся за́поведи Твоя́. <sup>7</sup> Исповéмся Тебé в прáвости сéрдца, внегда́ научíти ми ся судьбáм прáвды Твоея́. <sup>8</sup> Оправдáния Твоя́ сохраню́, не оста́ви менé до зела́. <sup>9</sup> В чесóм испрáвит юнéйший путь свой? Внегда́ сохранíти словеса́ Твоя́. <sup>10</sup> Всем сéрд-

---

\* Припев поется после каждого стиха, если же не позволяет время или силы — то после каждых двух или нескольких стихов.

цем моим взысках Тебѣ, не отри́ни менѣ от за́поведей Твои́х. <sup>11</sup> В се́рдце моём скрых словеса́ Твоя́, я́ко да не согрешу́ Тебѣ. <sup>12</sup> Благословѣн еси́, Го́споди, научи́ мя оправда́нием Твои́м. <sup>13</sup> Устна́ма моима возвестихъ вся судьбы́ уст Твои́х. <sup>14</sup> На пути́ свидѣний Твои́х насладихся, я́ко о всяком бо́гатстве. <sup>15</sup> В за́поведехъ Твои́х поглумлю́ся, и уразумѣю пути́ Твоя́. <sup>16</sup> Во оправда́ниихъ Твои́х поучуся, не забуду́ словесъ Твои́х. <sup>17</sup> Возда́ждь рабу́ Твоему́, живи́ мя, и сохрани́ словеса́ Твоя́. <sup>18</sup> Откры́й очи мои́, и уразумѣю чудеса́ от зако́на Твоего́. <sup>19</sup> Пришле́ц аз есмь на земли́, не скры́й от менѣ за́поведи Твоя́. <sup>20</sup> Возлюби́ душа́ моя́ возжелати судьбы́ Твоя́ на всякое вре́мя. <sup>21</sup> Запрети́л еси́ гордымъ, про́кляти уклоня́ющіися от за́поведей Твои́х. <sup>22</sup> Оты́ми от менѣ поно́с\* и уничи́же-

---

\* Поно́с — поношение.



ние, яко свидѣний Твоихъ взыскахъ.  
<sup>23</sup> Ибо седоша князи и на мя клеветѣху, рабъ же Твой глумляшеся во оправданіихъ Твоихъ, <sup>24</sup> ибо свидѣнія Твоя поучѣніе мое есть, и совѣти мой оправданія Твоя. <sup>25</sup> Прильпѣ земли душа моя, живи мя по словеси Твоему.  
<sup>26</sup> Пути моя возвестихъ, и услышалъ мя еси, научи мя оправданіемъ Твоимъ.  
<sup>27</sup> Путь оправданій Твоихъ вразуми ми, и поглумлюся в чудесѣхъ Твоихъ.  
<sup>28</sup> Воздрема душа моя отъ унынія, утверди мя в словесѣхъ Твоихъ. <sup>29</sup> Путь неправды остави отъ мене, и закономъ Твоимъ помилуй мя. <sup>30</sup> Путь истины изволихъ, и судьбы Твоя не забуду.  
<sup>31</sup> Прилепихся свидѣніемъ Твоимъ, Господи, не посрами мене. <sup>32</sup> Путь заповѣдей Твоихъ теклохъ, егда разширилъ еси сердце мое. <sup>33</sup> Законоположи мне, Господи, путь оправданій Твоихъ, и взыщу и вину. <sup>34</sup> Вразуми мя, и

испытаю закон Твой, и сохраню ѿ  
всем сердцем моим. <sup>35</sup> Настави мя на  
стезю заповедей Твоих, яко тую  
восхотѣх. <sup>36</sup> Приклонѣ сердце мое во  
свидѣния Твоя, а не в лихоймство.  
<sup>37</sup> Отврати очи мои, еже не видети су-  
етѣ, в пути Твоем живѣ мя. <sup>38</sup> Поста-  
ви рабу Твоему слово Твое в страх Твой.  
<sup>39</sup> Отыми поношение мое, еже непще-  
вах, яко судьбы Твоя блага. <sup>40</sup> Се, воз-  
желалъ заповеди Твоя, в правде Твоей  
живѣ мя. <sup>41</sup> И да придет на мя мѣ-  
лость Твоя, Господи, спасѣние Твое по  
словеси Твоему, <sup>42</sup> и отвещаю поно-  
шающим ми слово, яко уповалъ на  
словеса Твоя. <sup>43</sup> И не отыми от уст мо-  
их словесѣ истинна до зела, яко на  
судьбы Твоя уповалъ, <sup>44</sup> и сохраню за-  
кон Твой вѣну, в век и в век вѣка. <sup>45</sup> И  
хождах в широтѣ, яко заповеди Твоя  
взысках; <sup>46</sup> и глаголах о свидѣніих  
Твоих предъ царѣ, и не стыдѣхся; <sup>47</sup> и

поучахся в заповедех Твоих, яже возлюбих зело; <sup>48</sup> и воздвигох рuce мой к заповедем Твоим, яже возлюбих, и глумляхся во оправданиих Твоих. <sup>49</sup> Помяни словеса Твоя рабу Твоему, ихже упование дал ми еси. <sup>50</sup> То мя утеши во смирении моем, яко слово Твое живи мя. <sup>51</sup> Гордии законопреступоваху до зела, от закона же Твоего не уклонихся. <sup>52</sup> Помянух судьбы Твоя от века, Господи, и утешихся. <sup>53</sup> Печаль прият мя от грешник, оставляющих закон Твой. <sup>54</sup> Пета бяху мне оправдания Твоя на месте пришествия моего. <sup>55</sup> Помянух в нощи имя Твое, Господи, и сохраних закон Твой. <sup>56</sup> Сей бысть мне, яко оправданий Твоих взысках. <sup>57</sup> Часть моя еси, Господи; рех сохранити закон Твой. <sup>58</sup> Помолихся лицу Твоему всем сердцем моим: помилуй мя по словеси Твоему. <sup>59</sup> Помыслих пути Твоя, и

возвратѣхъ нѣзе мой во свидѣнія Твоя.

<sup>60</sup> Уготѣвихся и не смутѣхся сохранѣти заповѣди Твоя. <sup>61</sup> Ужа грѣшникъ

обязашася мнѣ, и закона Твоего не забыхъ. <sup>62</sup> Полунощи востяхъ исповѣдаться Тебѣ о судьбахъ правды Твоея.

<sup>63</sup> Причастникъ азъ есмь всемъ боящимся Тебѣ и хранящимъ заповѣди Твоя.

<sup>64</sup> Милости Твоея, Господи, исполнь земля; оправданіемъ Твоимъ научи мя.

<sup>65</sup> Благость сотворилъ еси съ рабомъ Твоимъ, Господи, по словеси Твоему.

<sup>66</sup> Благости и наказанію, и разуму научи мя, яко заповедемъ Твоимъ вѣровахъ.

<sup>67</sup> Прѣжде даже не смирити ми ся, азъ прегрѣшихъ, сего ради слово Твое сохранихъ. <sup>68</sup> Благъ еси Ты, Господи, и

благостию Твоею научи мя оправданіемъ Твоимъ. <sup>69</sup> Умножися на мя не-

правда гордыхъ, азъ же всемъ сердцемъ моимъ испытую заповѣди Твоя.

<sup>70</sup> Усырися яко млеко сердце ихъ, азъ же



закону Твоему поучихся. <sup>71</sup> Благо мне, яко смирил мя еси, яко да научуся оправданием Твоим. <sup>72</sup> Благ мне закон уст Твоих, паче тысяч злата и сребра. <sup>73</sup> Руце Твой сотвориште мя и создасте мя; вразуми мя, и научуся заповедем Твоим. <sup>74</sup> Боящиися Тебе узрят мя и возвеселятся, яко на словеса Твоя уповах. <sup>75</sup> Разумех, Господи, яко правда судьбы Твоя, и воистинну смирил мя еси. <sup>76</sup> Буди же милость Твоя, да утешит мя по словеси Твоему рабу Твоему. <sup>77</sup> Да приидут мне щедроты Твоя, и жив буду, яко закон Твой поучение мое есть. <sup>78</sup> Да постыдятся гордии, яко неправедно беззаконноваша на мя, аз же поглумлюся в заповедех Твоих. <sup>79</sup> Да обратят мя боящиися Тебе и ведающи свидения Твоя. <sup>80</sup> Буди сердце мое непорочно во оправданиях Твоих, яко да не постыжуся. <sup>81</sup> Исчезает во спасение Твое душа

моя, на словеса Твоя уповах. <sup>82</sup> Исчезоша очи мой в слово Твое, глаголюще: когда утѣшиши мя? <sup>83</sup> Зане бых яко мех на слане; оправданий Твоих не забых. <sup>84</sup> Колико есть дней раба Твоего? Когда сотвориши ми от гонящих мя суд? <sup>85</sup> Повѣдаша мне законопреступницы глумлѣния, но не яко закон Твой, Господи. <sup>86</sup> Вся заповеди Твоя истина; неправедно погнаша мя, помози ми. <sup>87</sup> Вмале не скончаша мене на земли, аз же не оставих заповѣдей Твоих. <sup>88</sup> По милости Твоей живи мя, и сохраню свидѣния уст Твоих. <sup>89</sup> Во век, Господи, слово Твое пребывает на небеси. <sup>90</sup> В род и род истина Твоя. Основал еси землю, и пребывает. <sup>91</sup> Учинѣнием Твоим пребывает день, яко всяческая работна Тебѣ.

*Затем поем или читаем следующие стихи трижды без припева:*

<sup>92</sup> Яко аще бы не закон Твой поучение моё был, тогда убо погѣбл бых во смирѣнии моём. <sup>93</sup> Во век не забуду оправданій Твоихъ, яко в них оживѣл мя еси.

Господи, помилуй (*40 раз*).

Помяни, Господи Бѣже нашъ, в вѣре и надѣжди животѣ вѣчнаго усопшаго раба Твоего (усопшую рабу Твою, усопшия рабы Твоя) (*имя рек*), и яко Благ и Человеколюбецъ, отпускаѣй грехи и потребляѣй неправды, ослаби, остави и прости вся вольная его (ея, их) согрѣшенія и невольная, возставляѣя его (ю, их) во святое Второе Пришествіе Твое в причастіе вечныхъ Твоихъ благъ, ихже ради в Тя Единаго вѣрова, Истиннаго Бога и Человеколюбца; яко Ты еси воскресѣние и животъ, и покой рабѣ Твоему (рабе Твоей, рабомъ Твоимъ) (*имя рек*), Христе Бѣже нашъ, и Тебе славу возсылаемъ, со Без-

начальным Твоим Отцем, и с Пресвятым Духом, ныне и присно и во веки веков, аминь.

*И начинаем вторую статью кафисмы:*

<sup>94</sup> Твой есмь аз, спаси́ мя, ꙗко оправда́ний Твои́х взыска́х.

*Припев:* Упоко́й, Господи, ду́ши раб Твоих (ду́шу раба Твоего, рабы Твоея).

<sup>95</sup> Мене́ жда́ша грéшницы погуби́ти мя, свидéния Тво́я разумéх.

<sup>96</sup> Вся́кия кончи́ны ви́дех конéц, широка́ за́поведь Тво́я зело́. <sup>97</sup> Коль возлюбíх за́кон Твой, Го́споди, весь день поучéние моё есть. <sup>98</sup> Па́че враг мои́х умудри́л мя еси́ за́поведию Твое́ю, ꙗко в век мо́я есть. <sup>99</sup> Па́че всех уча́щих мя разумéх, ꙗко свидéния Тво́я поучéние моё есть. <sup>100</sup> Па́че ста́рец разумéх, ꙗко за́поведи Тво́я взыска́х.

<sup>101</sup> От вся́каго путí лука́ва возбра́них нога́м мои́м, ꙗко да сохраню́ словеса́



Твоя. <sup>102</sup> От судѣб Твоих не уклонихся, яко Ты законоположил ми еси. <sup>103</sup> Коль сладка гортани моему словеса Твоя, паче меда устом моим. <sup>104</sup> От заповедей Твоих разумех, сего ради возненавидех всяк путь неправды. <sup>105</sup> Светильник ногам моим закон Твой и свет стезям моим. <sup>106</sup> Кляхся и поставих сохранить судьбы правды Твоея. <sup>107</sup> Смирись до зела, Господи, живи мя по словеси Твоему. <sup>108</sup> Вольная уст моих благоволи же, Господи, и судьбам Твоим научи мя. <sup>109</sup> Душа моя в руку Твоею выну, и закона Твоего не забуду. <sup>110</sup> Положиша грешницы сеть мне, и от заповедей Твоих не заблудих. <sup>111</sup> Наследовах свидения Твоя во век, яко радование сердца моего суть. <sup>112</sup> Приклоних сердце мое сотворити оправдания Твоя в век за воздаяние. <sup>113</sup> Законопреступныя возненавидех, закон же Твой возлюбих.

<sup>114</sup> Помощник мой и Заступник мой еси Ты, на словеса Твоя уповах.

<sup>115</sup> Уклонитесь от мене, лукавнующии, и испытаю заповеди Бога моего. <sup>116</sup> Заступи мя по словеси Твоему,

и жив буду; и не посрами мене от чуждого моего; <sup>117</sup> помози ми, и спасуся,

и поучуся во оправданиях Твоих вину. <sup>118</sup> Уничтожил еси вся отступа-

ющие от оправданий Твоих, яко неправедно помышление их. <sup>119</sup> Пре-

ступающие нещедрах вся грешныя земли, сего ради возлюбих свидения Твоя.

<sup>120</sup> Пригвозди страху Твоему плоти моя, от судьб бо Твоих убояхся.

<sup>121</sup> Сотвори суд и правду, не предаждь мене обидящим мя. <sup>122</sup> Восприими раба Твоего во благо, да не оклеветают

мене горди. <sup>123</sup> Очи мои исчезосте во спасение Твое и в слово правды Твоея.

<sup>124</sup> Сотвори с рабом Твоим по милости Твоей, и оправданием Твоим научи

мя. <sup>125</sup> Раб Твой есмь аз; вразуми мя, и увём свидѣнія Твоя. <sup>126</sup> Вре́мя сотвори́ти Го́сподеви: разори́ша за́кон Твой. <sup>127</sup> Сего́ ра́ди возлюбѣх за́поведи Твоя́ па́че зл́ата и топа́зия. <sup>128</sup> Сего́ ра́ди ко всем за́поведем Твои́м напра́вляхся, всяк путь непра́вды возненави́дех. <sup>129</sup> Дѣвна свидѣнія Твоя́, сего́ ра́ди испыта́ я душа́ моя. <sup>130</sup> Явлѣние словѣс Твои́х просвѣщает и вразумля́ет младе́нцы. <sup>131</sup> Уста́ моя отверзо́х и привлеко́х дух, я́ко за́поведей Твои́х жел́ах. <sup>132</sup> При́зри на мя и поми́луй мя, по суду́ любящих ѳмя Твое́. <sup>133</sup> Стопы́ моя напра́ви по словеси́ Твоему́, и да не облада́ет мно́ю всякое беззако́ние. <sup>134</sup> Изба́ви мя от клеветы́ челове́чeskия, и сохраню́ за́поведи Твоя́. <sup>135</sup> Лице́ Твое́ просвети́ на раба́ Твоего́ и научи́ мя оправда́нием Твои́м. <sup>136</sup> Исхо́дища водна́я изведо́сте о́чи мой, по нѣже не сохрани́х зако́на Твоего́. V

<sup>137</sup> Прáведен еси́, Го́споди, и прáви суди́ Твои́. <sup>138</sup> Запове́дал еси́ прáвду свидéния Тво́я, и и́стину зело́. <sup>139</sup> Иста́яла мя есть ре́вность Тво́я, я́ко забы́ша словеса́ Тво́я врази́ мой. <sup>140</sup> Разжéно сло́во Твоё зело́, и раб Твой возлюбí ё. <sup>141</sup> Юне́йший аз есмь и уничиже́н, оправда́ний Твои́х не забы́х. <sup>142</sup> Пра́вда Тво́я пра́вда во век, и зако́н Твой и́стина. <sup>143</sup> Ско́рби и ну́жды обрето́ша мя, за́поведи Тво́я поучéние моё. <sup>144</sup> Пра́вда свидéния Тво́я во век, вразумí мя, и жив бу́ду. <sup>145</sup> Возва́х всем се́рдцем мо́им, услы́ши мя, Го́споди, оправда́ния Тво́я взыщу́. <sup>146</sup> Воззва́х Ти: спаси́ мя, и сохраню́ свидéния Тво́я. <sup>147</sup> Предварíх в безго́дии и воззва́х, на словеса́ Тво́я упова́х. <sup>148</sup> Предварíсте о́чи мо́и ко у́тру, поучи́тися словесéм Твои́м. <sup>149</sup> Глас мой услы́ши, Го́споди, по ми́лости Твоёй; по судьбе́ Твоёй живи́ мя. <sup>150</sup> Приблi-



жишася гонящии мя беззаконіем, от закона же Твоего удалишася. <sup>151</sup> Близ еси Ты, Господи, и вси путие Твой истина. <sup>152</sup> Исперва познах от свидений Твоих, яко в век основал я еси. <sup>153</sup> Вижь смирение мое, и изми мя, яко закона Твоего не забых. <sup>154</sup> Суди суд мой и избави мя, словесе ради Твоего живи мя. <sup>155</sup> Далече от грешник спасение, яко оправданий Твоих не взыскаша. <sup>156</sup> Щедроты Твоя многи, Господи, по судьбе Твоей живи мя. <sup>157</sup> Мнози изгонящии мя и стужающии ми, от свидений Твоих не уклонихся. <sup>158</sup> Видех неразумеваяущия и истаях, яко словес Твоих не сохраниша. <sup>159</sup> Вижь, яко заповеди Твоя возлюбих, Господи, по милости Твоей живи мя. <sup>160</sup> Начало словес Твоих истина, и во век вся судьбы правды Твоея. <sup>161</sup> Князи погнаша мя ту́не, и от словес Твоих убояся сердце мое. ✓

<sup>162</sup> Возра́дуюся аз о словесѣхъ Твоѣхъ, ꙗко обретая́й коры́сть мно́гу. <sup>163</sup> Не-пра́вду возненави́дех и омерзѣхъ, за́кон же Твой возлю́бихъ. <sup>164</sup> Седмери́цею днемъ хвали́хъ Тя о судьба́хъ пра́вды Твоея́. <sup>165</sup> Мир многъ лю́бящимъ за́конъ Твой, и несть имъ собла́зна. <sup>166</sup> Ча́яхъ спасѣ́ния Твоего́, Го́споди, и за́поведи Твоя́ возлю́бихъ. <sup>167</sup> Сохрани́ душа́ моя́ свидѣ́ния Твоя́, и возлю́би́ я́ зело́. <sup>168</sup> Сохрани́хъ за́поведи Твоя́, и свидѣ́ния Твоя́, ꙗко вси пути́е мой предъ Тобо́ю, Го́споди. <sup>169</sup> Да прибли́жится моле́ние моѣ́ предъ Тя, Го́споди, по словеси́ Твоему́ вразуми́ мя. <sup>170</sup> Да вни́детъ проше́ние моѣ́ предъ Тя, Го́споди, по словеси́ Твоему́ изба́ви мя. <sup>171</sup> Отры́гнутъ устне́ мой пѣ́ние, егда́ научи́ши мя оправда́ниемъ Твоѣмъ. <sup>172</sup> Провеща́етъ языкъ мой словеса́ Твоя́, ꙗко вся за́поведи Твоя́ пра́вда. <sup>173</sup> Да бу́дет рука́ Твоя́ е́же спасти́ мя, ꙗко за́пове-

ди Твоя́ изво́лих. <sup>174</sup> Возжелáх спасé-  
ние Твоé, Гóсподи, и закóн Твой по-  
учéние моé есть.

*Затем поем или читаем следующие  
стихи трижды без припева:*

<sup>175</sup> Живá бúдет душá моя́ и восхва-  
лит Тя, и судьбы́ Твоя́ помóгут мне.  
<sup>176</sup> Заблудíх, я́ко овчá погíбшее: взы-  
щí рабá Твоегó, я́ко за́поведей Твои́х  
не забýх.

### Тропари, глас 5-й

*Припев:* Благословéн еси́, Господи, научи́  
мя оправдáнием Твоим.

Святýх лик обрéте истóчник жíz-  
ни, и двéрь ráйскую, да обря́щу и áз  
пýть покая́нием. Погíбшее овчá áз  
éсмь, воззови́ мя, Спасе, и спаси́ мя.

Благословéн еси́, Господи, научи́ мя  
оправдáнием Твоим.

Агнца́ Божия́ проповéдавшие, и за-  
клáни бýвшие я́коже áгнцы, и к жízни

нестареемей, святии, и присносущней преставльшися, Того прилежно, мученицы, молите долгов разрешеніе нам даровати.

Благословен еси, Господи, научи мя оправданием Твоим.

В путь узкий хождшии прискорбный, вси в житий крест яко ярем вземшии, и Мне последовавшии верою, приидите насладитесь, ихже уготовах вам почестей, и венцев Небесных.

Благословен еси, Господи, научи мя оправданием Твоим.

Образ есмь неизреченныя Твоея славы, аще и язвы ношу прегрешений; ущедри Твое создание, Владыко, и очисти Твоим благоутробием, и вожделенное отечество подаждь ми, рая паки жителя мя сотворяя.

Благословен еси, Господи, научи мя оправданием Твоим.



Дрэвле ўбо от не сўщих создавыи  
мѧ, и образом Твоим Божественным  
почтѣи, преступлѣнием же заповѣди  
пѧки мѧ возвратѣвый в зѣмлю, от неѧ-  
же взѧт бѣх, на ѣже по подобію воз-  
ведѣ, дрѣвнею добротою возобразѣ-  
тисѧ.

Благословѣн еси, Господи, научи мѧ  
оправданіем Твоим.

Упокой, Боже, раба Твоего (рабу  
Твою, рабы Твоя) и учини его (ю, я) в  
рай, идеже лици святых, Господи, и  
праведницы сияют яко светила; усоп-  
шаго раба Твоего (усопшую рабу  
Твою, усопшия рабы Твоя) упокой,  
презираѧ его (еѧ, их) вся согрѣшенія.

Слава: Трисіятельное Единого Бо-  
жества благочестно поем, вопиюще:  
Свят еси, Отче Безначальный, Собез-  
начальный Сыне, и Божественный  
Душе, просвети нас верою Тебе слу-  
жащих, и вѣчнаго огня исхити.

И ны́не: *Богорóдичен:*

Ра́дуйся, Чистая, Бога плóтию  
ро́ждшая во спасéние всéх, Ёюже рóд  
человéческий обрéте спасение, То-  
бо́ю да обря́щем ра́й, Богородице Чи-  
стая Благословéнная.

Аллилуиа, аллилуиа, аллилуиа, сла-  
ва Тебе, Боже. (*Трижды*)

Господи, помилуй (*40 раз*).

Помяни́, Го́споди Бо́же наш, в ве-  
ре и надéжди животá вéчнаго усóпша-  
го раба Твоего́ (усопшую рабу Твою,  
усопшия рабы Твоя) (*имя рек*), и яко  
Благ и Человеколю́бец, отпу́щаяй гре-  
хí и потребля́яй неправды, осла́би,  
оста́ви и прости́ вся во́льная его (ея,  
их) согрешéния и нево́льная, возстав-  
ля́я его (ю, их) во святóе второ́е при-  
ше́ствие Твоé в причáстие вéчных  
Твоих благ, ихже ра́ди в Тя Еди́наго  
вéroва, Истиннаго Бога и Человеко-  
лю́бца, яко Ты еси воскресéние и жи-

вот, и покой рабу Твоему (рабе Твоей, рабом Твоим) (*имя рек*), Христе Боже наш, и Тебе славу возсылаем, со Безначальным Твоим Отцем, и с Пресвятым Духом, ныне и присно и во веки веков, аминь.

### Седален, глас 5-й

Покой, Спасе наш, с праведными раба Твоего (рабу Твою, рабы Твоя), и сего (сию, сия) всели во дворы Твоя, якоже есть писано, презирая, яко Благ, прегрешения его (ее, их), вольная и невольная, и вся яже в ведении, и не в ведении, Человеколюбче.

Слава, и ныне, *Богородичен*:

От Девы возсиявый миру, Христэ Боже, сыны света Тόю показавый, помилуй нас.

## Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих, яко да оправдишися во словесах Твоих и победиши, внегда судити Ти. Се бо, в беззаконіих зачат есмь, и во гресех роди мя мати моя. Се бо, истину возлюбил еси, безвѣстная и тайная премудрости Твоея явил ми еси. Окропиши мя иссопом, и очищуся, омыеши мя, и паче сѣга убелюся. Слуху моему даши радость и веселие, возрадуются кости смиренныя. Отврати лице Твое от грех моих, и вся беззаконія моя очисти. Сердце чисто созижди во мне, Боже, и дух прав об-



нові во утрóбе моей. Не отвѣржи менѣ от лица Твоегó, и Духа Твоего Святаго не отымі от менѣ. Воздаждь ми радость спасения Твоегó, и Дúхом влады́чним утверді́ мя. Научú беззакóнныя путём Твоим, и нечестíвии к Тебе обратятсѧ. Избáви мя от кровей, Боже, Боже спасения моего, возрадуется язык мой правде Твоей. Господи, устнѣ мои отвѣрзеши, и устá моя возвестѧ хвалú Твою. Яко áще бы восхотѣл есѧ жёртвы, дал бых úбо, всесожжѣния не благоволи́ши. Жертва Богу дух сокрушѣн, сердце сокрушѣнно и смирен́но Бог не уничижит. Ублажѧ, Господи, благоволеніем Твоим Сиóна, и да сози́ждутся стѣны Иерусали́мския. Тогда благоволи́ши жертву правды, возношѣние и всесожега́емая, тогда возложáт на олта́рь Твой тельцы́.

*Если панихида читается об одном усопшем, оставшиеся части последования (канон и литию) см. на стр. 10—26.*

**Канон, глас 8-й****Песнь 1**

*Ирмос:* Вóду прошéd, яко сýшу, и егíпетскаго зла избежáв, изрáильтянин вопиáше: Избáвителью и Богу нашему пойм.

*Припев:* Дивен Бог во святых Своих, Бог Израилев.

Смérтию смерть Христóву, и страстьмí страсть подражáвше честнóу, мученицы вси, Божéственныя и блажénныя жизни получи́ша.

*Припев:* Покóй, Господи, дýши усóпших раб Твоих.

Юности прегрешéния презрjá, и грехí превосходя́ Христé Спасе, прэжде усóпшия рабы Твоя́ со избранными Твоими́ сопричтí.

Слава: Юже получи́ша сла́ву же и ра́дость, íже блажénное стяжáвше пребывáние, подáждь богáтно Твои́м рабóм, яже прия́л еси́, Многомилостиве.

И ныне: Зачалá есѣ слóво Отчее, плóти соединѣвшееся по ипостáси, еже из Тебѣ, Всенепорóчная Отроковѣце, ад Божѣственнойю сѣлою упразднивѣшее.

### Песнь 3

*Ирмós:* Небѣснаго крúга Верхотвóрче, Господи, и Цѣркве Зиждѣтелю, Ты менѣ утвердѣ в любви Твоей, желáний краю, вѣрных утверждѣние, Едѣне Человеколюбче.

Очѣстивѣшеся дрѣвняго прародѣтельнаго падѣния, крещѣнием и пáки порождѣнием, струя́ми же кровѣй своѣх окропѣвѣшеся, Христу, блаженни, сцáрствуете.

Иже мѣртв волею полóжься во грóбе, и живúщия во гробѣх взывáяй Спасе, благоволи́, яже от нас приял есѣ, в селѣниих праведных Твоих сим водворя́тися.

Слава: Благоутрóбием Божѣственные Твоея Владыко, и соестѣственне разумева́емая блáгости, умолен бы-

вая, грехов разрешѣние подав рабом Твоим, Спасе, упокой.

И ныне: Воплóщся из чрѣва Твоего, и быв человек, Иже изрядне сый Един Человеколюбец, спасает человека от врат смѣртных, Богомáти Пречистая, Едíна Всепѣтая. *лз*

*Повторяем ирмós: Небеснаго круга верхотворче, Господи... Господи, помилуй (40 раз) и молитву: Помяни, Господи Боже наш, в вере и надѣжди животá вѣчнаго... (стр. 104).*

### Седален, глас 6-й

Войстинну суетá всяческая, житиѣ же сень и сóние, íбо всúе мятѣтся всяк земнорóдный, я́коже речѣ Писáние; егда́ мир приобрета́ем, тогда во гроб вселíмся, идѣже вкúпе цáрие и нíщии. Темже, Христе Боже, прѣстáвльшися упокой, яко Человеколюбец.

Слава, и ныне, *Богородичен:*



Всесвятáя Богорóдице, во время животá моего не оста́ви менé, челове́ческому предста́тельству не ввéри мя, но Самá заступí и помíлуй мя.

### Песнь 4

*Ирмós:* Ты моя Кре́пость, Господи, Ты моя и Сила, ты мой Бог, Ты мое Ра́дование, не оста́вь недра О́тча, и нашу нищету посети́в. Тем с пророком Аввакумом зову Ти: си́ле Твоей слава, Человеколю́бче.

Да Твоея́ Владыко славы ўзрят, и свѣтлость Твою́ светода́тельную на Небесéх получа́т свѣтло, всяк вид мучéний носи́ти претерпéша мученицы Божественнии, Тебе Христе пою́ще: си́ле Твоéй слава, человеколю́бче.

Мно́ги обíтели у тебé, Спа́се, суть, по достоя́нию всем разделя́емы, по мере добродéтелей; ты́я убо, Ще́дре, испóлнити сих сподóби, я́же вéрою преста́вльшиися, благоче́стно Тебе во́пию́щая: си́ле Твоéй слава, Человеколю́бче.

Слава: Рáвен нам Человéк явѣлся есѣ, Безсмéртне, всем рáвно смерть претерпéл есѣ, и жѣзни показал есѣ путь; еѣже престáвльшиися сподóби, я́ко Человеколю́бец, прощéние согрешéний я́ко Влады́ка подава́я, и свéта причáстие дáруй.

И ныне: Ты вéрных похвалá есѣ, Безневéстная, Ты Предстáтельница, и Ты Прибéжище христиáн: Стенá и Пристáнище, к Сыну Твоему́ мо́льбы нóсиши, Всенепорóчная, и спаса́еши от бед, иже вéрою и любóвию Бого-роди́цу Чистую Тя вéдущия.

### Песнь 5

*Ирмо́с:* Вскúю мя отрѣнул есѣ от лица Твоего, Свéте незаходѣмый, и покры́ла мя есть чужда́я тьма окая́ннаго; но обрати мя, и к свету за́поведей Твоѣх пути моя́ напра́ви молю́ся.

Несказáнныя Твоеѣ сла́вы, и еже па́че слова Твоего́ блаже́нства, в селе́-ниях святых, иде́же глас красén празд-

нующих, престáвленныя к безстра́стней жи́зни, уще́дрив, сподо́би, еди́не человеколю́бче.

Иде́же чи́ни ангельстии, иде́же пра́ведных собо́ри ра́дуются, Авраа́ма в не́драх всели́, Спасе, рабы Тво́я, и со дерзнове́нием стра́шному и Божественному Престо́лу предста́ти благоволи́, Благоутро́бне.

Слава: Очище́ние нам яви́лся еси́, правда и избавле́ние, и язвою Тво́ею наша не́мощи уврачевáл еси́. Ты убо, Щедре, я́ко Благ, престáвльшиися в сла́дости райстей учини́.

И ныне: Милостивно, Мило́стиве, челове́чества ме́ру восприя́л еси́, Иже Божественныя сла́вы превы́сшими украша́яй возвыше́ньми, от дев́ческих ложесн плоть при́ем одушевле́ну, словесну, ею́же смерть погуби́л еси́.

### Песнь 6

*Ирмо́с:* Очисти мя, Спа́се, мно́га бо беззакония моя, и из глубины зол возведи, мо-

люся: к Тебе бо возопѣхъ, и услыши мя, Боже спасения моего.

Мученицы Твой, Спа́се, многія муки претерпѣша, любóвию Твое́ю ду́шами уязвѣвшеся святии, Твоея же-ла́юще присносу́щныя сла́вы, и сла́д-каго Твоего прича́стия.

Чре́во врага сме́ртию растерза́л еси, Спа́се, и вся я́же в нем ю́зники воскре-си́л еси́, живо́т дарова́вый; егóже прес-та́вленныя, благоде́телю, сподо́би.

Слава: Слез и воздыха́ния сущія во аде рабы Твоя́ свободи́, Спа́се: я́ко един бо благоутро́бен, отъял еси́ вся́ку слéзу от всякаго лица, ве́рно благо-слова́щих Тя.

И ныне: Иже естество́м Соде́тель, соде́тельствуется в ложесна́х Твои́х, по́лный я́ко Бог, истоща́ется, Все-непоро́чная; Един Безсме́ртный, за всех спасе́ние умира́ет смертию.

*Повторяем ирмо́с: Очисти мя, Спа-се... Господи, помилуй (40 раз) и мо-*



*литву: Помяни, Господи Боже наш...  
(стр. 104).*

### Кондак, глас 8-й

Со святы́ми упоко́й, Христе, души  
раб Твоих, иде́же несть болéзнь, ни  
печа́ль, ни воздыха́ние, но жизнь без-  
конéчная.

### Икос

Сам Еди́н еси Безсме́ртный, сотво-  
ри́вый и созда́вый человека, земни́и  
у́бо от земли́ созда́хомся и в зéмлю  
ту́южде по́йдем, я́коже повелéл еси,  
Сзда́вый мя и рекый ми: яко земля́  
еси и в зéмлю оты́деши, а́може вси  
челове́цы по́йдем, надгробное рыда́-  
ние творя́ще песнь: аллилу́иа, алли-  
луиа, аллилу́иа.

### Песнь 7

*Ирмос:* Отроцы евре́йстии в пещи́ попрá-  
ша пла́мень дерзнове́нно, и на ро́су огонь  
преложи́ша, вопи́юще: благослове́н еси́ Гос-  
поди Боже во ве́ки.

Все желáние мучеников прострѣся ко Едѣному Влады́це, любóвию Тому соединяемое, и пою́щее: благословѣн еси́ Господи Боже во веки.

Пода́еши вѣроу преста́вльшимся свѣтлость Божѣственнаго Царствія, нетлѣния одѣжду да́руяй вопи́ющим: благословен еси́ Господи Боже во веки.

Слава: Испóлни рáдости и весéлія, яже преста́вил еси́ рабы Тво́я, Ще́дре, сподóбивый их взывáти Тебе и пѣ-ти: благословѣн еси́ Господи Боже во веки.

И ныне: Разрешáя Евину кля́тву, в пренепорóчную вселѣлся еси́ Деву, благословѣ́нія истóчник источáя вопи́ющим: благословѣн, Пречистая, плод Твоего чрѣва.

## Песнь 8

*Ирмос:* Мúсикийским оргáном согла-сующим, и лю́дем безчѣсленным покла-няющимся образу в Де́йре, три óтроцы не

повинувшеся, Господа воспеваху, и славословляху во вся веки.

Земленія подвиги прошѣдше, Небесныя приѣша венцы мученицы истиннии, вопиюще Ти непрестанно: Господа пойте, и превозносите во вся веки.

Сошед в ров преисподнейший, иже во гробѣх живущия воскресил еси живоначальною дланію, и подал еси рабѣм Твоим, вѣрою прѣжде усопшим, покой, Щедре.

*Припев:* Благословим Отца и Сына и Святаго Духа Господа.

Яко истѣчник жизни присносущныя, яко сладости сый потѣкъ, рабы Твоѣ, благочестно к Тебѣ преставленныя, сподоби пѣти, и славословити Тя во вся веки.

И ныне: Маріе Дево Богородице, яже Бога Спаса человеком рѣждшая телѣсно, спасай вѣрою поющія Твое Рождество, и превозносящія во вся веки.

## Песнь 9

*Ирмос:* Устрашійся всякъ слух неизречѣнна Божія снисхождѣнія, ꙗко Вышній волею снѣде даже и до плѣти, от девѣческаго чрѣва быв человекъ. Тѣмже Пречистую Богородицу вѣрнии величаѣм.

Имѹще, мученицы Христовы, непобѣдимую крѣпость и неодолеѹмую, уничижѣсте мучителей безбѣжное велѣние, и Царствія Небеснаго ꙗве сподѣбистесь, просвещаемѣ Трѣичными зарѣями, достохвальнии.

Разрушѣйся адъ горькій, разрушѣвшу Ти егѡ, Человеколюбче, и воскресѣвшу ꙗже от вѣка тамо спящія; но и нынѣ ꙗко Благъ прешѣдшій к Тебѣ, Благоутрѣбне, невечѣрнаго свѣта Твоего сподѣби.

Слава: Весь еси, Спасе, сладость; весь еси желаніе, и любовь войстинну ненасытная; весь еси добрѡта несказанная; преставльшійся убо к Тебѣ, Твоея красоты наслаждатися бла-



говолі, и Божественныя доброты  
Твоея сподоби.

И ныне: Спаси мя, Мати Божия,  
рождающая Христа Спаса моего, Бога и  
человека, сугуба естеством, не ипо-  
стасию; единородна убо от Отца, из  
Тебе же первородна вся твари; Его-  
же в сугубом естестве величаем.

Дуси и души праведных восхвалят  
Тя, Господи.

*Повторяем ирмос: Устрашися всяк  
слух... и начинаем литию.*

### Заупокойная лития

Трисвятое. Слава, и ныне: Пресвятая  
Троице... Господи, помилуй. (Трижды)  
Слава, и ныне: Отче наш... (стр. 4—5).

### Тропари, глас 4-й

Со дуси праведных скончавшихся  
души раб Твоих, Спасе, упокой, сохра-  
няя их во блаженной жизни, яже у  
Тебе, Человеколюбче.

В покоеищи Твоем, Господи, идеже вси святїи Твои упокоеваются, упокой души раб Твоих, яко Един еси Человеколюбец.

Слава: Ты еси Бог, сошедый во ад и узы окованных разрешивый, Сам и души раб Твоих упокой.

И ныне: Еди́на Чистая и Непоро́чная Дево, Бога без семене ро́ждшая, моли́ спастися душам их.

Господи, помилуй (*40 раз*).

Помяни́, Го́споди Бо́же наш, в ве́ре и наде́жди живота́ вѣчнаго усопшія рабы Твоя (*имена*), и яко Благ и Человеколюбец, отпу́щай грехи́ и потребля́яй непра́вды, осла́би, оста́ви и прости́ вся во́льная их согреше́ния и нево́льная, возставля́я их во свято́е Второ́е Прише́ствие Твое́ в прича́стие вечных Твоих благ, ихже ра́ди в Тя Еди́наго ве́роваша, И́стиннаго Бога и Человеколю́бца; яко Ты еси воскресе́ние и живо́т, и покой рабом Твоим

(имена), Христе Боже наш, и Тебе славу возсылаем, со Безначальным Твоим Отцем, и с Пресвятым Духом, ныне и присно и во веки веков, аминь.

Честнѣйшую Херувѣм и слѣвнейшую без сравнѣния Серафѣм, без ислѣнѣния Бога Слово рѣждшую, сущую Богородицу, Тя величаем.

Слава, и ныне: Господи, помилуй.  
(Трижды)

Господи Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых помилуй и упокой души раб Твоих (имена) и всех православных христиан в безконечныя веки, яко Благ и Человеколюбец, аминь.

*Затем троекратно возглашаем:*

Рабо́м Божиим преста́вльшимся, отцем и братиям нашим, и всем православным христианом, о нѣхже и поминание творим, вечная память.

*И читаем трижды тропарь с поклонами:*

Покой, Господи, души усопших раб Твоих (*поклон*), и елико в житии сем яко челове́цы согреши́ша, Ты же, яко Человеколюбец Бог, прости их и помилуй (*поклон*), вечныя муки избави (*поклон*), Небесному Царствию причастники учини (*поклон*), и душáм нашим полезная сотвори (*поклон*).







## МОЛИТВА О УСОПШЕМ КО ПРЕСВЯТОЙ БОГОРОДИЦЕ

Пресвятая Госпоже, Владычице  
Богородице! К Тебе прибегаем, Чис-  
тая, Ты бо еси Стенá необорíмая,  
Предстáтельство и Покров всем при-  
бегающим к Тебе с верою и уповани-  
ем! Молим Тя, Преблагословénная,  
услыши молитву недостойных раб  
Твоих и предстáни прísно за усопша-  
го(ую) раба Твоего (рабу Твою) (*имя*).  
Ты *всегда* вы́ну ходáтайствуеши за право-  
славно чтúщих Тя, прибегающих к  
покрóву Твоему и тéпле молящихся  
Тебе в болезнях, скóрбех и напáстех;  
но Твое ходáтайство, Твое заступле-

ние наипáче благопотре́бно нам по смерти нашей; Ты <sup>всего</sup> вѣну являеши скорую помощь Твою рабом Твоим и не престаёши всем молящимся Тебе являти Свое благосёрдие, изливáти великия и богатая милости Сына Твоего и Бога нашего на всех верующих; на Тя бо Единую по Бóзе ймамы твердую надежду и упование: ни-кто́же, тёпле моля́ся, <sup>не</sup> отхóдит от Тебе без надежды и радости, и спокойствия, и утешения, и услаждения. Молим Тя, о Пресвятая Богородице, Владычице мира, надéждо ненадéжных, бۇди ўбо днесь ходáтайцею к Рóждшемуся от Тебе за усопшаго(ую) раба Твоего (рабу Твою) (имя), умоли Сына Твоего и Бога нашего дати ему (ей) прощение и оставление прегрешéний. Моли, Богородице, много бо может моление Мáтернее ко

благосѣрдію Владыки; от Тебе бо  
приѣмлет Господь всяко слово про-  
шения, приими́ ўбо и Ты наша мо-  
литвы и моления, приносимыя Тебе,  
Пресвятая Дево, от всего сердца на-  
шего и от всея души нашея, за душу  
усопшаго(шій) раба Твоего (рабы  
Твоея). Молим Тя, помози́ ему (ей),  
Владычице, Матерним Твоим ко Гос-  
поду дерзновѣнием достѣгнути ти-  
хаго пристанища в Небесном Иеру-  
салиме; помози́ ему (ей), Заступни-  
це усердная, непосты́дно стáти на  
Страшнем Судѣи́и Сына Твоего, идѣ-  
же кійждо от своих дел или́ просла-  
вится, или́ постыдится; помози́ ему  
(ей), Благодатная, оправдаться пред  
лицем Седя́щаго на Престоле Славы,  
да не постыдится пред Ангелы и все-  
ми святыми, пред целым миром гор-  
ним и дóльным. О Всепѣтая Мати,

Владычице Богородице! Молим Тя, заступи, спаси, сохрани и будущия измѣ муки усопшаго(ую) раба Твоего (рабу Твою), да не погибнет во век, но да спасется Твоими молитвами и прѣйдет от смерти в живот. Мы же, грешнии и недостойнии раби Твои, не отступим от Тебе, не престанем во умиленіи взывати к Тебе: Пресвятая Госпоже, Царице и Владычице! Моли Сына Твоего и Бога нашего о усопшем(шей) рабе Твоем (Твоей) (имя), да даст ему (ей) Господь отпущение прегрешѣній; помози ему (ей), Благодатная, достигнути вожделѣннаго отечества и узрѣти блага Небесная, ѣхже око не виде, ухо не слыша, и на сердце человеку не взыдоша; моли о нем (о ней), Богородице, да сподобится, по Твоему Предстательству, вкушати блага сѣя во



Царствию Сына Твоего, Христа Бога нашего, Ты бо еси Единая Благословенная в женах, многомощная Заступница, Надежда, Покров и Прибежище всем притекающим к Тебе, Ты еси мост, преводяй сущих от земли на небо, и райских дверей отверзение. Аминь.





Русь Святая!  
Храни веру Православную,  
в нейже тебе утвержденье.

Братие, аще обрящете кая погрешения в сей  
книжице, всяко молим вас исправити,  
и нас, трудившихся в деле сем, про-  
щения сподобити, да и сами тож-  
де прощение от Христа? Бога по-  
лучите, в день послѣдняго  
воздаяния. Аминь.



## Символ веры

**В**ѣрую во единаго Бога Отца, Вседержителя, Творца Небу и земли, видимым же всем и невидимым. <sup>2</sup>И во единаго Господа Иисуса Христа, Сына Божия, Единороднаго, Иже от Отца рожденнаго прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша. <sup>3</sup>Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася. <sup>4</sup>Распятаго же за ны при Понтийстем Пилате, и страдавша, и погребенна. <sup>5</sup>И воскресшаго в третий день по Писанием. <sup>6</sup>И возшедшаго на Небеса, и сидяща одесную Отца. <sup>7</sup>И паки грядущаго со славою судити живым и мертвым, Егоже Царствию не будет конца. <sup>8</sup>И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. <sup>9</sup>Во едину Святую, Соборную и Апостольскую Церковь. <sup>10</sup>Исповедую едино крещение во оставление грехов. <sup>11</sup>Чаю воскресения мертвых, <sup>12</sup>и жизни будущаго века. Аминь.



